

晚

晴

移

詩

匯

晚晴移詩匯卷一百五十三目錄

陳寶箴 二首

游智開 九首

李鴻裔 五首

孫福清 三首

褚維璣 六首

馮譽駒 一首

方昌翰 二首

王成升 一首

程之楨 二首

鄒漢勛 八首

黎庶燾 十五首

潘誠貴 三首

鄧輔綸 十四首

章鋆 一首

呂錦文 二首

章永康 六首

許宗衡 五首

趙廷愷 三首

彭瑞毓 三首

吳仰賢 五首

蕭培元 三首

趙新 二首

馮晟四首

晚晴移詩匯卷一百五十三

徐世昌

陳寶箴字右銘江西義甯人咸豐辛亥舉人官至湖南巡撫

詩話右翁負幹略工詩古文辭初見賞於曾文正以從戎致通顯任河南彰衛懷道創立致用精舍專課實學河朔人才蔚然而起嘗校刻李文清遺書余曾得而讀之其子伯儼吏部與余爲鄉會同年通籍後假歸不出淡於仕進專心著述僑寓金陵詩名甚盛學者稱爲散原先生

謝易寶甫贈廬山泉

廿年不踐匡廬徑讀畫因君繫夢思  
餉我新泉分瀑布瀾  
將春茗助敲詩清流合讓支筇客  
辟地須尋面壁師  
安得草堂容設榻一甌睡足日高時

寶甫有和詩疊韻酬之

遠載山泉千里外勝流高致使人思  
罌瓶瀉口衝寒色壘塊燒胸洗惡詩  
三峽游蹤如昨夢一瓢陋巷本吾師  
芒鞋素便青峯下始是波瀾不起時

游智開字子代新化人咸豐辛亥舉人  
歷官廣西布政使有藏園詩鈔

詩話子代牧無爲和泗灤深諸州守未平府愷悌愛民一時稱循吏遂進監司分藩川粵再攝疆符嶽嶽著清節再起莅西粵益砥礪晚節以老乞歸卒年八十有五初官永平時朝鮮使臣卞元圭吉雲道經其地與相酬唱乞其稟歸爲序而刻之晚自定稟刪存二百餘篇詩芬芳悱惻有元次山春陵道州諸篇遺意

雙刀歌贈仲芸

長沙城頭夜吹角軍書頻報妖氛惡  
立散黃金募健兒誓除亂賊安耕鑿  
酒酣奮臂登高臺揮刀起抉浮雲開  
繞身

倏忽曳雌蜺已覺狡兔無蒿萊寶物驚看買難得炎天冷  
透冰霜色鏗然齊插短鞘中餘怒猶聞吼未息自言採鐵  
南山岡鍛鍊晝夜摩陰陽深鏘咸豐某年月幾肯輕試鞘  
鋒鏖只今羣盜被原野雄心已逐嘶風馬若云佩此位三  
公世間笑殺屠沽者把君喪爲君歌唾壺擊碎當奈何區  
區金紫安足多請君斫斷生蘠鬚

六安遇周八卽送之臨淮

故人今日來沈疴今日起秋風滿庭階握手各相視子容  
較昔豐我病瘦何似歡會敘離憂亂緒紛難理憶從去年  
春同舟泛江水翩若南翔鴻雙飛復雙止中忽隔一隅盜  
賊驚突豕踰年患未消信息殊生死覲面良可欣征車嗟  
復駛檐端互明河絮絮猶未已

往離日苦長來別日虞久相依晨夕間屬子一樽酒志趣  
各有存大節期不苟詎以恃愛深而負厥身咎世事方艱  
虞勳名懼衰朽金甌捲淮流花驄嘶岸柳努力舒遠猷金  
印行繫肘當路急需才況有平生厚短策余顧慚清操誓  
終守臨河濯長纓願言告良友

別王荷夫墓

盧龍王荷夫名情海曾官農部余守永  
平日凡築城堞治樓櫓修葺書院義學

多屬之廉能勤謹不辭勞瘁一  
日假寐卽逝年尙未五十也

辛苦爾生前聊憑一枕眠千秋孤竹國三月落花天舊宅  
依鄰井青山俯墓田移官吾在邇來別益淒然

叵羅詞

固安縣城南柳市每越五日販豎騰集皆柳  
器也叵羅尤工緻日中一隅千萬立盡貧家

夫婦多晝夜編  
造苦資糊口

折盡楊柳枝綰盡楊柳絲與郎作叵羅綰郎無別離

離家長苦思在家長苦飢與耶作叵羅楊柳耶生涯  
街前賣叵羅箇箇圓復圓門前種楊柳相見時相憐

力子來

公堂錄囚罷猝然見行李僉稱力子來芒鞋踏階屐長跪  
報平安未啟書先喜有篋廣且深有篋方尺咫尺次第列長  
筵鄉味多且旨所嗟路迢迢辛苦三千里

冢婦奉我棗介婦奉我薑黃柑雙復雙摩挲雙手香書言  
兒種柑在耶出門後摘柑寄西川耶苦居官久告兒及明  
春斗酒聽鳴鶯聞兒又生孫歸哉怡我情

李鴻裔字眉生中江人咸豐辛亥舉人歷官江蘇按察  
使有蘇鄰遺詩

詩話蘇鄰初從胡文忠曾文正軍幕由主事迭擢監  
司謝事居蘇州得瞿氏網師園葺治易名曰蘧園以



與蘇子美滄浪亭故址近自號蘇鄰時東南大亂初  
定吳中紳宦寓公勝流接述稱爲極盛林亭花樹金  
石圖史名書妙續以逮飲饌服亂靡不妍雅多致蘇  
鄰在幕府久治事精敏不廢文藝曾文正稱其詩俊  
偉似牧之晚習南北朝碑版又雜治官帖奄有晉唐  
風格惜歿未六十與其詩皆未竟其學遺藁散亡黎  
氏輯刻僅據後來手迹  
雜存未足爲定本也

題吳桐雲大廷同年出山海關圖

一笑囊書出漢關  
醫閭北鎮海東環  
雄邊鼓吹騰三輔  
奇句弓衣繡百蠻  
夜雪氈廬元菟郡  
夕陽駝背老鴉山  
時危地險思周歷  
仗劍輸君獨往還

李陵臺北瞭鷹臺  
秋到居庸萬壑哀  
九月出關驢背冷  
十年回首雁聲來  
咸豐癸丑賊擾畿甸余繞道出居庸入雁門由山陝還蜀  
中原戈馬猶前日  
邊塞風雲豈異才  
擲晝還君三歎息  
陪都天仗泣龍媒

和黎伯庸光勳夜雨書懷之作

春明門內郎亭詩短簿風流夢想之霜菊上肩螯在手去  
年十月見君時

居然春餅上秋筵況有霜花照晚天喚起黃州三月夢孤  
城斜日斷炊煙

高碧湄心夔同年春間謁選入都取道閬門流連旬

日盛稱銅梓吳叟敏樹之爲人心嚮往之道遠莫

致乃不浹月而余已與吳叟見於金陵碧湄郵書

堅余引退之約亦適由濟南遞至賦此答之并呈

銅梓卽用湘鄉相侯贈吳叟詩原韻

重簾漏月光如鏤風櫓檣燭高花摧故人貽我濟城牘夜  
窗忽卷明湖來流光一別兩晦朔計程已踏天街槐朝驂

夕秣無恙否九畿鐵騎方排阬十年不聽東華鑰觚稜回  
首雲山乖主恩未報涓與埃壯心俱化塵與灰夜眠仰屋  
見星斗常懼鬼瞰天爲災拂衣去閉江上宅空庭卧病生  
荒萊願子早除吏部選摩搔鯨寡如嬰孩疵癘不生民氣  
樂河無渡虎山無豺匡山昔日讀書處政成盍曰還歸哉  
洞庭黏天四無壁蕩蕩鷗鳥忘驚猜美人獨處軒轅臺老  
而不嫁青春隤子昔見之君山隈暮天鼓瑟猿嘯哀我欲  
從之不得往四方上下彌雲霾翩然一舸冶城下浪花如  
雪春江皚青谿白石忽相遇拍肩勸我流霞杯作書報子  
寄京國瑤光正對鉤陳開美人若佐商周業方駕有娥追  
有郢

孫福清字補璇號稼亭嘉善人咸豐辛亥舉人歷官大

理寺評事有望雲仙館詩鈔海南紀游草

詩話稼亭宰山西陽城襄垣廣東陽山新興皆有  
惠政嘗刻鄉先輩著述二十餘種爲構李遺書

卽事

紅塵一墮總茫茫物我年來付兩忘  
漫向塞翁論得失偶從詹尹問行藏  
搏沙易幻人間世點石難尋海上方  
恩惡銷除憂樂在焚香夜夜禮空王

題瑞邸所藏宋文丞相蕉雨琴拓本

竹如意擊已碎玉帶生交偏耐正氣歌成天地晦半壁江山竟陸沈  
千秋留得孤琴在廬陵大節照青史手撫冰絃淚如水金甌墮地缺不完  
何況區區桐與梓豈知忠憤所鬱金石開一絃一柱鏗風雷冬青樹老天水黯  
豐城寶氣難終埋移宮換羽驚彈指流水高山有知己遺響銷沈六

百年一朝物色歸蕭郎我觀丞相琴如見丞相心西臺慟  
哭故人遠東山絲竹君恩深柴市風酸悲絕調蕉窗雨急  
淒餘音七條颯颯森寒玉古篆蒼涼土花綠譜出天風與  
海濤哀音怨亂難終曲祇今聲價重球琳三尺焦桐抵萬  
金澹墨數行留粉壁夜深彷彿聽龍吟

讀夏子儀刺史

鳳翔

愛日山房詩藁

憶昔君家全盛日琴歌酒賦劇豪雄一從鄉里驚風鶴幾  
度關山感雪鴻生死交情觴詠外炎涼世態笑談中西湖  
久別應惆悵我亦歸心逐轉蓬

褚維塏字爽齋餘杭人咸豐辛亥舉人歷官安徽候補  
直隸州知州有人境結廬詩藁

過邳州

邳州城外速征驂  
徧眼風塵世路諳  
屈指離家將一月  
行程還未出江南

書感

荒村寥落樹無邊  
齊魯征塵接薊燕  
馬蹋寒沙風四起  
雕盤大漠日孤懸  
登車敢負澄清志  
撫髀慚踰少壯年  
笑問此來欲何事  
朝朝犯曉走霜天

朔口山行

春來驅馬出燕京  
本擬西江取道行  
時局休談王景略  
鄉園愁賦庾蘭成  
但逢險阻心宜壯  
得免流亡願已平  
三月舟車徧游歷  
荀輿前去又山程

曉行卽事

登車殘夢續沈沈  
寒逐輪蹄料峭侵  
枯樹著霜疑是雪  
遠

山迎日半猶陰江南消息愁兵事薊北風沙倦客心只有  
荒村人最樂曉驅黃犢出平林

如許

如許頭顱兩鬢斑移文應亦汗塵顏一春花柳江邊盡三  
面風濤郭外環借箸更休談擊賊讀書何待乞還山旅窗  
岑寂終朝坐已是身居吏隱間

過定遠

十年前事在驅馬此重游荒草迷殘壘斜陽下戍樓赤眉  
餘黨盡碧血故人留判虎臺邊路蕭條滿目秋

馮譽駒字景千高要人咸豐辛亥舉人官武進知縣有

眠琴閣詩鈔

和陳鶚秋表弟

拔豪

冬日晚眺原韻

葭管飛灰歲又更天涯游客動離情雲山疊嶂鄉關遠水  
閣憑欄花日明翠壓疎林藏古寺寒流斷澗抱孤城雁飛  
不到衡陽道驛路風霜第幾程

方昌翰字宗屏桐城人咸豐辛亥舉人官新野知縣有  
虛白室詩鈔

避地

避地危如巢幕燕挈家情類觸藩羊一杯未飲心先醉五  
夜含愁鬢欲霜吾輩幾人思蹈海中原時事擬探湯隆中  
圯上今何有俯仰千秋意激昂

大觀亭

上凌霄漢下坡陀眼底風帆日夜過山色二龍開戶牖江  
聲五月走鼉鼉天連吳楚煙波闊地接東南戰伐多四十



年前吟嘯處那堪荆棘問銅駝

王成升字仲允號吉階武陵人咸豐辛亥舉人官山西知縣有吉階詩草

永晝

永晝茶煙裊清和記謝吟花香蘇病骨苔綠上詩襟風輕絮痕重雲低窗影深讀書聲未已鵲鳩喚青林

程之楨字維周江夏人咸豐辛亥舉人官黃岡教諭有維周詩鈔

趙州

濁酒澆黃土悲歌問昔年成荒人荷鋌沙闊馬耕田奇士誰廉藺雄關莽晉燕書生如獻策行矣著先鞭

喜門人蕭連刪易梅生同日至黃州

十載幽懷託素絃江雲如夢水如煙荆臺風雨傳經夜漢  
渚干戈問字年冷宦惟添新白髮高吟還戀舊青氍短檠  
破硯分明在話到離羣各黯然

鄒漢勛字叔績新化人咸豐辛亥舉人殉難有鄒叔子

遺書

詩話叔績於書無所不讀經學小學歷算尤爲精深  
時邵陽魏默深源道州何子貞紹基名重一時叔績  
與之頡頏人稱湘中三傑生平作詩不多亦時有高秀之語考據家所難能也

古意

欲窮千仞岡請從今日起千仞多風寒況復無仰止便息  
行游駕盤桓在斯里斯里狹且隘似難容足趾不容舉世  
謂卽容致衰鄙甘負舉世謂願抱湛然理

黎綵委塗泥瓦礫積其上軒于遭漑植生意日張王但當

挾衡續甯復具節亮改鴛故靡艱勇去亦何望惟恐百年  
至榮寂同歸喪

心緒如亂絲糾結不可解一日空復過誰能念千載便守  
瓶瓴聲窮村恣擊指顧念咸詭備甯復無人采

搏桑望落棠迢迢九萬里鉗且謝轡銜倏忽已過此手爪  
能爲巧弗馭乃馭理下士欲相效而已失步跬得失兩無  
論造父世所美

### 浩歎

后夔不復起希聲委塗泥中間有作者抱獨無由知靡靡  
世所好師延乃出奇子野琴何在何不撞頭爲清商與濁  
徵正聲猶曰宜沐猴而冠佩流傳亦至斯始知玉石故雜  
糅不可矯矯求異時作詩但令老嫗識典誥大語勿相師

聞蟪母

卻與黃鸝相唱和小餐花露在前枝微之不讀醫家語春  
日聞蟬再賦詩

尋梅用東坡松風亭下梅花盛開原韻

冰肌玉骨江上村暗香馥馥引吟魂卻怪寒鄉風信晚二  
月始伴參橫昏清姿皎皎雪輝壁素質亭亭月滿園但欲  
塵埃難比並那知冷冽非春溫等閒桃李作妖豔游蜂舞  
蝶弄朝暾崇晨不語工搖曳何異息女愁荆門羨爾孤輦  
真絕世師雄畢竟是浮言豈有天上玉妃子肯泛人間激  
灑尊

次韻李子木見贈

力學瘡廢學秦燕廿年外爾來始識字漸欲窮聚會丹鉛

勤記錄所樂斯爲最儻或稱述作無乃夜郎大古經義多  
微鉤沈意非汰裒然成兩書沽賤等苦蓋乃勞煩借讀贈  
言縉文貝愚材果何當詎關時顯晦知是滑稽語但了篇  
章債夫子論文章故自絕流輩指顧揜羣雅逸翮鳴翾翾  
顧我已類狗畫虎慚黠獐

黎庶靈字魯新號篠庭遵議人咸豐辛亥舉人有慕耕  
草堂詩鈔

詩話子尹論篠庭作詩天資於宋人近於唐人不近  
邵亭教其當以沈鍊堅潔見長篠庭存詩皆經鄭莫  
點定故多可傳

### 早上茶山關

野雲隨肩輿折上九盤嶺霏微撥晨霧咫尺厯參井天陷  
翠峭中日射孤煙頂凍雀聚葉鳴寒猿挂杪飲厓摧石珂

珂灘迅光炯炯樹杪一樵蘇山根數漁艇羈懷鬱相抱對  
此百慮靜小坐息勞筋逝將去危境

馬渡河

幽谿蜿蜒來稍曠瀉一碧崖懸瘦臍樹岸帶裂根石靜看  
溫陽轉頓使寒意釋沙嘴兩枯梅已粲數點白回回煙水  
際潏潏凍波適忽驚昏影生抹上橫舟磧老漁入村去鷗  
鷺踏沙集遙聞煙裏春知是谿上宅溯洄任吾意風景剩  
淒切

溪上聞竹雞聲

明月在東光在西春山滑滑曉竹雞一聲兩聲天漸晚水  
上水下煙都迷幽人踏月歸何處清輝一片竹谿路沙禽  
相喚若忘機背人飛入菰蔣去

書巢經巢壁

羨君高卧處面壑復尻岑雲影半巖宿林扉終日陰路緣  
螺殼轉湖養鴨頭深安得頻攜酒時從問字斟

晚歸叢堰山莊

暝蛙喧澗潦清月上林扉竹徑無人候蘿風送我歸吟聲  
低入戶昏影淡生衣坐覺山廬好澄懷驗道機

臺上晚眺

黃葉亂飄颻青山爭送迎西風一回首林壑滿秋聲野客  
浮雲思歸鴉落日情鄉園正兵革何地足偷生

石頭山晚歸

雲根磬初落暮色就鬚眉明月抱孤塔寒禽棲滿枝途紆  
緩歸興澗曲多回颺笠屐青山晚吟懷淡不支

驟雨

驟雨隨龍去高雲帶鳥旋白喧孤澗水青放一隅天穉篠  
明初霽孤花媚晚煙野懷何所適遙寄暮谿邊

伯庸從兄自楚北歸里賦呈

別後經戎馬家山草不春棄原空戰骨隱舍祇烽塵左計  
躬耕負餘生患難親一鐙看聚首應勝滯江濱

薄宦三年別窮途百感侵飄零餘老淚飛動失雄心暫共  
烽邊隱曾勞澤畔吟新詩留石鏡激烈總哀音

兄在楚北所刻詩一

卷日石  
鏡齋

病愈遣懷

山妻竟日工營圃野客窮年癖著書貧裏光陰聊藉遣病  
餘人事總教疏閒階芳草通行跡曲徑幽花笑索居自分



已無匡世略祇宜林下帶經鋤

春日郊行

山翠明邊桃李花春陰羃處三兩家行逢牯牛或讓路坐  
對渴龍輕響車韶光欲老猶未老冷日將斜還不斜莫便  
慙慙過前去此間風物儘堪誇

影山草堂人日

濛濛細雨溼年華冷落山城鼓不撾傳座幾猶緣舊俗饋  
春無復見貧家人因亂後難言節草趁寒疏漸吐芽爲憶  
故園谿水上游鐙誰照墓門斜

亂後還家

亂後還歸百感生那堪回首舊柴荆田園蕩盡成今昔戚  
里飄零半死生燕掠荒墟尋故主牛依殘壘事春耕空餘

一掬松楸淚灑向東風薺麥青

送劉構臣

齊新

學博返貴陽時烏江道梗將取道黔

西

故國滄桑感逝波黔陽西去更如何驚心襪被烽塵滿到  
眼關山戰骨多驛路有家皆結堡埃兵無食懶橫戈知君  
歷徧蒼涼景應有羌村同谷歌

潘誠貴字時軒吳縣人咸豐辛亥舉人有聽香室遺橐  
晚泊京口

流水寒煙達六朝西津渡口一停橈白鷗渚冷蓼花老黃  
鵠山空槲葉彫殘笛秋生江館月落帆風急海門潮今宵  
且醉蘭陵酒賴有明鐙慰寂寥

新秋水芝池上

池館清秋裏房櫳盡日陰露香寒淪茗雨氣潤支琴久病  
添詩債澄觀養道心晚涼眠易熟過客莫來尋

霜葉紛紅錦秋花媚綠蘿石砌穿稚竹水檻卧殘荷笛引  
鄰家近香留隔宿多新寒上屏背雁已渡銀河

鄧輔綸字彌之武岡人咸豐辛亥副貢浙江補用道有

白香亭集

詩話咸同之間武岡鄧彌之湘潭王壬秋兩人交相  
善而俱以詩鳴彌之早參軍事佐僚不遇以終壬秋  
遨遊南北薄於仕進年登大耋著作等身若但以詩  
格論則旗鼓相當實亦未易軒輊彌之嘗有登衡山  
詩云芝蘭蔚霞氣土石爲天色王秋詫爲一字千金  
今觀其詩沈鬱幽憤直逼杜陵擬古諸作尤傑出  
獨衡山一篇也

湘江晚行作

氣蒼靄餘潤昏凝曖已晦明景匿霞曜孤光得螢態練色

遠如界秋影倒將墜月黑四山隱江平一舟駝語寂覺浪  
喧牆敲知風匯乘流妙低昂瞻衡失向背行泊苟任天去  
來復何礙

登衡山南天門

出沒蒼煙根端倪太古脈樞維洞穴牖虛無削高壁繁采  
垂五光遠影帶一碧芝菌蔚霞氣土石爲天色元霧共昏  
曉幽苔無今昔鳴壑響易秋絕巘氣先夕險通崩剝痕冥  
會神鬼迹甯知下界雨但覩上方黑盤渦繞一綫瀕洞塞  
四極寥虛冥我心元化培我翼二氣岌相纏萬象陡然立  
倒覺鴻濛合俛愁象緯側驂駕九神君龍虎來迎接

清水北巖

璇折疏方源石立傲虛殿奇構各戶牖殊怪或雷電蘿薜

外糾紛蛟螭中隱見洞陰太始雪氣凜炎天霰繞寫勢逾  
逼突兀狀屢變秋花垂蜂窩古苔繡螺旋曲竇礙折腰巨  
璞竦磨面風霆劃雙峽日月破一線睥窺眩欲墜險盡心  
餘羨鍾乳制頽齡谷籟警禪倦叩齒漱寒玉馳景逐奔箭  
請掃十丈崖擘窠沆榛蔓

過岳陽追酬王王秋

閻運

巴陵城樓題壁

江山暮淒凝西暉亦未減登樓余何思天末下微葉懷人  
阻輕駕芳翰悚驚瞥弄珠淒漢游攀蘭感湘別卽事惜睽  
攜舉目異徂轍情隨沅澧深形滯江山隔洞庭信周險南  
服資控扼埃渚自靡涯升涸恆依節流止貌涵鑒盈虛幾  
時哲羣鷗浴和風耀女泝歸月寸心澹無競千里平不竭  
歲晚淹桂舟蘅蕪猶可掇

出城西門游隱山諸洞

我有太古室棄在城西隅其下清泠淵浸漾爲陂湖誰歟  
亭其間疏鑿闢榛途年年荷花時拏舟侶鷗鳬下飲空明  
光倒摘青珣玕北陟峯截嶮南窺洞盤紆乳藻發自然狀  
態難爲摹南華與道德元化歸空無誰云古仙逝蛻此真  
人跌悠然濯塵纓恍若弄元珠側凌百尺潭欲縱千石舫  
神膏溢益益寒磴羅笙竽賢哉李給事勝賞誠獨殊如何  
千載下清源日淹蕪自晒昂藏軀培棄同康瓠不置江海  
間焉能出樊籩敢希隱山隱聊入壺公壺高枕北牖風甯  
非羲皇徒

劉希陶丈

佩

放舟水月洞餞別梁君少亭臨流惘然

若在歧路賦此自廣亦以敘離

此月無弦望此水無澗溜雲根絕中川城關望見之桂輪  
何團團金波何漪漪飄然迴靈槎將掛若木枝號風來無  
端仰面飛雨垂林光散洲嶼窈窕含煙滋人生若斷颿濛  
汜潛朝曦游目亦繾綣豈惟河梁悲舟壑適相值風月無  
盡時白石垂兩足浩歌漁父詞千秋放志意清輝長若斯

飛仙引

我聞軒轅鑄鼎於此山鼎成騰身凌紫煙三十六亭委秋  
草遺臺蕭瑟愁飛仙至人無心亦無象長風空中自來往  
由來瀛島在人寰何須更作三山想紫荊臺邊一聲笛龍  
女鮫人皆喑咽水中縹緲出兩丸還向丹邱弄明月樽桑  
弱水隨東流秦皇漢武俱蜉蝣古來求仙尙如此何況我  
輩長悠悠惟有呂翁解度世飄飄頗得游仙意蓬萊一醉

三千秋始信壺中有天地沈吟遠望不能歸秋風淅淅入  
征衣徘徊且送玉清鶴攜手盧敖更不違

石筍行

爲吳稱三學  
博德襄賦

籀龍拔地幾千尺遙看成筍近成石可憐君家得勝觀與  
可欲畫愁嶄嶄聞君幾年資上客尋源懶著謝公屐官舍  
何人埽粉墨爲君移家倚青壁石霜煙鐘蕩暮色眼中孤  
亭明落日松櫟欲青楓欲赤從君讀記眩奇獲青根槎枒  
影射席天風昨夜吹汝宅雙角鬢鬢破雷蟄居然龍變世  
莫測迸出撐空秀可食老坡饞眼咒不得請君卧游遣岑  
寂

浴佛日偕劉丈希陶陳觀察

鳴志

游麓山宿萬壽寺

詰朝晴霽登雲麓宮小飲而作



連峯沈遠陰空江渡寒碧佛日感勝因涉流其攀厯眾緣  
翳柯陰微徑履苔迹影息虎岑禪心清鶴泉滴已公踐前  
期笠雲人爲余留片席甌茗淪靈源孟粥餉香積夜來疏雨  
過逾覺清梵寂曾是聞性圓豈伊妙音隔良會若有悵團  
跼面虛壁浮嵐接樹杪明漪漏林隙感此蹇獨留聊用淹  
晨夕

夕景淹以徂朝光破我闌興來不暇盥失喜翻折屐露盛  
磴草深雲紆石道折曠懷物自澄委步意俱適元氣無端  
倪冥化時翕闢白日一低垂幽埏忽昭晰縹緲煙中衡透  
迤湖外澤真有儵皆空繚青復縈白居高瞻視殊詎爲前  
塵汨揚袂謝山靈揮杯慰奇覲

飛山吟

飛山靖之形勝秀絕一隅夢游久矣甲申天  
中後一日乃攜獻兒及門生諸人載酒肴往

陶詠而歸因系之詩示儲生  
先登覃生豔藻吳生昌河

三峯岌相爭造物縱狡獪爲高因邱陵飛勢落天外巖穴  
多白雲石氣瀉涓霈奇觀勞夢想腰腳苦狼狽籃輿得兒  
扶復幸嘉賓會唱導實助予雁行侶屐蓋未登憚險艱旣  
踐坦而泰一甌據奧區當窗蔚松檜雲雷俯在下岡阜厯  
厯繪天放風日佳胡爲翳煙靄豈爲城郭喧決莽割塵塹  
咫尺尙如此况乃瀛海大尼父憂蕭牆修內塞其兌回首  
叫帝閭柔遠道足賴鱗介非冠裳珠崖棄何害茲山盤瓠  
遺時清捲旌旆砦垣盡傾圯削壁空嶒峴摩挲將軍碑有  
明遊擊鄧子龍詩刻爲鎮此等球貝其巔覆窟室陰幽白  
州人所重謂之將軍碑日昧迅霆有時下拏攫掃榛薈還憩  
毘盧廬欣言緩襟帶勝地倒壺觴僧蔬愈珍膾舉酒招鶴山  
臨風一遙酌高臺

可洗心辦香熱醺醺嗟哉二三子樂莫斯游最點瑟有希  
音泠泠振硯磻元黃何紛矯澄對寂萬籟一笑渠江橫脩  
然六塵蛻

望廬山

峩峩廬山高巖巖太虛中延袤積巘嶠蒙茸隱杉松香爐  
蘊煙氣石鏡懸秋空疇昔悅攀躋眷言憩雲峯雖弭向平  
策未窮康樂蹤卅年復理棹曠望聊開胸寒漲限嶠嶽元  
霧祕懷忡精誠亮不極真形杳難逢將無晦冥意恪窺巖  
壑重忽聆石門唱恍聞東林鐘靈山猶未散元氣青濛濛  
冥契固弗隔神景定我同遺形八表外安事升華嵩

九華山

一鳥將九子飛集皖江邊精誠忽化石散作峯頭蓮問蓮

方含萼何時揚芳鮮葩舒小十丈豔發遲千年將期王子  
晉乘蓮證金仙果有新羅僧來結淨土緣自言彼王子萬  
里投禪關愛茲菡萏榮辭彼薜華妍汙泥詎難處烈火焉  
能然安養蓮胎中一朝生梵天朵朵淩朱霞翩翩翔紫煙  
嘉名謫仙錫異事神僧傳伊余緬元棲況乃資丹詮坐惜  
秋水駛逾眷雲峯攢峯遙不可卽道阻何由攀願接靈鳳  
翼高飛入雲間

毘盧踏雪歌爲小寄禪本師笠公作

笠公笠公胡不飛錫後湖同結夏蓮土千花淨相亞又胡  
不浮海一葦朝普陀皈依白衣辭婆娑胡爲洞庭霜高朔  
風烈打包來踏毘盧雪毘盧莊嚴極大壯香界氤氲豁塵  
障借問經始檀越誰忠襄布金重新之公雖蛻去神護持

不然此寺亦幾廢寺得寄師寺無替福田龍象賴汝輩吁  
嗟乎忠襄亦是英雄人髑髏臺高鎖鄒新忽然放刀立成  
佛施經飯僧日不足王侯富貴草頭露烏盡弓藏悲末路  
二曾功成身亦全一學黃老一逃禪君不見袈裟覆處開  
殿宇祇洹比邱千百聚長廊齋僧鳴粥鼓寄師乃不忘衣  
傳迎取本師千里來江南願留面壁至十年說偈如詩舌  
生蓮貫休齊已何足言嗚呼天龍圍繞夜叉走請公試作  
獅子吼

章鋈字配芝號采南鄞縣人咸豐壬子一甲一名進士  
授修撰歷官祭酒有望雲館詩藁

風陵渡入潼關

波光盪日耀旌旄穩泛中流息怒濤百二關臨秦地險五

千仞峙華峯高畫疆勢並九泥固共濟人思擊柝勞南國  
烽煙猶未靖臨風眺望首頻搔

呂錦文字壽棠旌德人咸豐壬子進士改庶吉士授編  
修歷官侍讀有懷研齋吟草

貴溪舟中晚眺

水色天光接蒼茫望不分沙平波似鏡山遠樹如雲魚網  
閑前渡鴈潭淡夕曛商聲秋瑟瑟何忍異鄉聞

卽日用義山韻

一官瓠落幾時休卽日舟行不少留紅葉白雲游子意溟  
魚塞雁故人愁鐘聲催曙思蓬島山色銜波上竹樓楚尾  
吳頭天浩渺臨流懸憶釣璜鉤

章永康字子和號瑟廬大定人咸豐癸丑進士改庶吉

士厯官內閣侍讀有瑟廬遺詩

懷趙藏愚

照我雙眸炯炯光無端落拓少年場  
難紓憂憤穢中散獨念平生盛孝章  
貧後夢魂真似水愁來煙月不能狂  
思牽隔歲逢君日一樹梅花放晚香

感懷

百斛秋光壓兩眉河聲嶽色寫嶽崎  
舉杯擊筑雄心鬱度索尋槿世路危  
蘅杜飄零南國怨關山孤憤北征詩  
緇衣日逐風塵熱寥落行藏亦自疑

秋感

灝灝銀河露氣盈霜颺一夕滿重城  
夢回北塞螭螭遠人在西堂蟋蟀鳴  
紅豆江干舉暮雨白榆天上變秋聲  
何因

落照金臺上，棖觸蒼茫宋玉情。

經年輦鼓動江湄，又報湖湘羽檄馳。冠蓋抗懷全盛日，文章回首中興時。秋風澤畔靈均淚，落日江頭杜老詩。從古建瓴形勝地，弄兵漫說是潢池。

風物淒迷百思攢，憑高望遠忽無端。薊門秋樹萋萋碧，水國江籬故故殘。月黑重雲飛雁迴，日黃陰磧射雕寒。天涯兄弟三年別，幾次鄉書取獨看。

殘蟬嘶月迴離心，絡角明河夜氣沈。丹鳳城遙遲夢度，青鸞鏡薄鑑愁深。誰憐南國悲紈扇，早識西樓怨錦衾。潮鯉不來秋又老，梧桐陰裏聽清砧。

許宗衡字海秋，上元人。咸豐壬子進士，改庶吉士，歷官

起居注、主事，有《玉井山館詩集》。



雨中過兗州

風旂拂帽過荒臺斷  
戍春陰黯不開  
一片孤城千樹雨  
桃花紅向馬頭來

揚州送叔起

深交結行路欲別心  
橫飛迢迢揚子江  
夢與閒鷗依君子  
惜良時浮蹤無定期  
煙樹一以合倏覺形神違  
自我出京邑與子多歌詩  
千載未遑計但傷今時  
非橫覽天下才跡跡誰中規  
風騷冠百代意旨參幾微  
讀書無高助文字徒喜悲與世懼無益  
肯以空名垂抗懷同心侶  
誓念懲詭隨庶幾真性情  
崛發山川輝藝苑不丈夫  
況復苦弄姿矯首望雲鶴  
蔚爲丹霄儀今茲一揮手  
去去毋然疑篇章翊世運  
得句山嶽齊因之崇亮節  
欲使東流西本根共樹立相

思夫何爲

曉發

秋葦颭明瑟動與晨光搖  
仁見林表山未及前帆高  
荒灘望無垠靜待風來潮  
日氣射雲隙閃忽煙將消  
倚蓬拓吾目江近天愈遙  
涼鷗沒浩蕩無夢牽塵囂  
艣聲倏已歇潈濱看驚濤

書潤臣詩集後

江漢家何在燕山落日懸  
詩情憎老大歸夢阻林泉  
吏隱中書省愁心上水船  
年來共酬唱揜卷各淒然

雪後獨游江亭

江亭景物南皮會上客衣冠  
北海樽耆舊凋零空有歎風  
流文采杳無存花時騎馬誰  
燕市雪後歸鴻又薊門獨倚

闌干問芳序甲兵何日洗乾坤

趙廷愷字存之江西安福人咸豐壬子進士官刑部主

事有十三翎閣詩草

山陽城下弔淮陰侯

漂母哀而生呂后誣以死英雄自有命何關兩女子

江亭晚眺

愁雲向晚繞荒臺歷歷斜陽倒影開紅葉似花沿岸發青  
山如郭抱江來誰憐野客狂兼醉自向秋風去復回世路  
幾多窮達感但登臨處且銜杯

舟中望衡嶽

峯起祝融高羣山匯水朝天垣歸北極地脈走南條葉落  
湘帆轉雲開楚燄消鐘聲驚過雁秋影上層霄

彭瑞毓字子嘉江夏人咸豐壬子進士改庶吉士授編修歷官雲南鹽法道有賜龍堂詩藁

迎江寺題壁

皖東佳寺倚崔嵬千里征愁到此開繞塔雲煙平地起隔江風雨送秋來百年戰壘歌三疊萬古河山酒一杯欲向西城拜祠宇魚龍寂寞晚潮哀

巫峽雨望

白雲與我分青山冰紈半掩香螺鬟藐姑相望不相見仙風吹淚空爛斑林昏谷暗波浪起猿鳥悲嘯魚鼈喜天道陰晴那可知會見朝曦照窗几

書余旬甫詩冊後

冬壽沈淪江湖裏孝長黃樓皆早死山川黯慘風流歇吾

楚才人已矣。旬甫讀書破萬卷。旬甫游蹤步萬里。兩袖清風一卷詩。泰華之雲東海水。當是造物不欲墜斯文。故發英奇特生子。又不令子乘雕鶚冠獬豸窮途偃蹇老其身。侘傺悲歌誰實使。昨日乘興來長安。今朝掩面歸桑梓。吁嗟乎先生遭際只如此。我輩立朝紆青紫。

吳仰賢字牧騶嘉興人咸豐壬子進士改庶吉士歷官雲南迤東道有小匏庵詩存

詩話牧騶出宰浪穹游陟監司方遭回亂拊循安集聲施爛然以請終制歸詩渾成典雅於其鄉諸先輩中雅近汪雲壑殿撰詩話附集以行揚摧古今往往有獨到處

過孟縣渡黃河

城外黃河上山山回抱作重關。津船逆渡經三折。星海分流見一灣。掉臂嵩門行在望。吟詩洛社幾時閒。滔滔

南北從茲判那不臨歧淚暗潛

過鴻門坂

軍門開鼓如雷兩雄高譙謀臣陪手提佩玦睨不語鵬鵠  
對舞鋒交摧居巢老翁不解事真龍出入無死地但勸項  
王殺劉季不諫項王殺義帝九鼎終歸大度人亞父何曾  
有奇計

楊忠愍公諫馬市劾嚴嵩兩疏藁石刻本

咸甯擁帥纛職方不敢爭分宜據政府臺省禁無聲壯哉  
椒山自有膽霜簡上訴天爲驚一疏堂堂諫馬市閉關欲  
絕天驕子一疏諤諤誅奸謀上方請斬張禹頭逐臣報國  
一腔血薑桂之性老逾烈風吹枷鎖香滿城百鍊此身都  
似鐵公死已與逢龍游公書可代常山舌百年手藁藏文

孫蠹魚潛逃不敢齧筆力瘦硬中藏棱想見揮毫眦盡裂  
磨礪貞石相雕鏤吾友張也審波折刻成上嵌銀泥牆尺  
尺不異大道碣噫嘻吁魯公爭坐位鄂王謝講和流傳諫  
草同不磨持此願作直臣氣數紙豈僅博白鵝

金殿

滇城東二十里鳴鳳山有銅瓦寺萬厯中巡撫陳用賓建鏤銅爲殿環以甌城祀真武

言尋鸚鵡庵乃在鳳山側石磴引途長筠輿穿箐密初地  
峙山門重闕闢香域佛亦專城居崇垣勢崩巖眼明見花  
宮照耀黃金色誰鑿銅山穴來構梵王室參差萬瓦明磨  
礪兩楹植藻井與疏寮玲瓏勝雕刻中奉武當神玉座頗  
瑩拭庭前五丈竿大旗颺落日居然範金爲非是通帛質  
穹碑屹兩旁大書夸撰述經始萬厯中甲辰首載筆偉哉  
陳中丞持節撫南國勇略伏猱獠餘威讐暴熒三宣設八

關屯兵備緬賊雄才足籌邊韋李乃其匹惜哉侈心生未  
免留口實銅柱馬援置銅鼓武侯勒克敵揚天威豈恃象  
教力況當神廟年中外因培克殿工籌度支礦使徧南北  
滇中增貢金數比舊額溢輦石充山莊購象備扈蹕要荒  
肆徵求帑緡糜千億以茲六詔民愁歎廢力穡中丞亦慈  
祥寶井役請息乞哀一紙疏讀者尙心惻奈何侈興築物  
力不遑恤竭此三品金空爲十地飾卽今厄紅羊戰場浩  
荆棘昆池灰再飛阿房火未熄茲殿類靈光巍然可登陟  
蜀軒稍零落父老爲哽噎釀金累錙銖鳩工庀堂闕母使  
大厦傾謂是明神式我意獨不然狂論衆所嫉不見民苦  
飢老穉葬溝洫廠廢鼓鑄窮那能振萬鎰佛開甘露門斷  
臂且捨得何惜方丈地借爲救荒術巨炭熾紅鑪新模就



赤仄彈指千萬緡散以助耕織鴻啓得棲遲鶉衣救廩慄  
徐議銷兵氣農器鑄亦亟斯事實便民余豈貪貨殖神鬼  
如有靈罪謫誓不怵

題文休承畫山水

石壁千仞不可梯懸崖老樹鶻倒棲背巖架壑戍樓出霜  
林日射金紫迷尺幅曄曄得遠勢畫時氣欲吞井西文水  
道人游雲谿道場山對官舍低青林紅樹富秋色雙屐時  
踏樵徑泥老去坐窗發幽興猶能拈筆代杖藜塵土擾擾  
馳輪蹄高人雲卧聞鳥嘯畫中之山儻買得巾車會當呼  
小奚

蕭培元字質齋昆明人咸豐壬子進士歷官山東濟東  
泰武臨道有思過齋雜體詩存

王家營

危岸高千尺人家岸下多樓頭平赤堰屋脊走黃河露冷  
菰盈圃霜高豆滿坡曉來車馬驟去去聽驅歌

晚泊

泊船依斷岸入夜怯衣單水落灘聲壯山高月影寒更長  
嫌燭短心靜覺舟寬儘有囊書在消懷幾度看

登千佛巖遠望

翠嶂摩天雨氣收登高下視古齊州一城樹影青鋪地九  
點煙痕綠上樓鳩煎版圖欄外畫鵲華山色座中秋林邊  
遙望黃雲走東去長河挾霧流

趙新字又銘侯官人咸豐壬子進士改庶吉士授檢討

歷官陝西督糧道有還硯齋集

詩話故事琉球國王薨遣使賜祭卽冊其世子嗣封以京朝官持節假一品服同治乙丑又銘奉命往伯順康以來至是凡八次集中有答中山王送菊詩用安邑豬肝事似非使臣體

乙丑秋七月奉命冊封琉球旋擢右贊善紀恩

龍節欣逢八度頒仰邀華選到清班波濤極目瞻三島風物從頭數百蠻先世隨阡榮墓表故人文讌話鄉關澄瀾東望都如鏡舊志荒唐總可刪

頭銜竟許冠羣仙一品還叨賜服鮮戀闕仍依天尺五乘槎直指水三千貽來珠玉多新詠夢到蓬萊亦夙緣猶有支機堪乞否君平早已識張騫

馮晟字少山武進人咸豐王子進士改庶吉士官宜章知縣有銘蒼軒詩選

扁舟

扁舟泊深渚暝色動微茫一水蕩孤月亂山迎夕陽江空  
見飛鳥人靜覺花香何處棹歌發荻蘆秋已蒼

平定州

終古雄圖賸劫灰晉陽鎖鑰聳崔嵬五更鼓角橫秋色四  
塞河山屬霸才路險直隨奔馬下城高都傍亂峯開從今  
袖有風雲氣曾到天門頂上來

長途回首望春明班馬蕭蕭第幾程山雨忽來微作冷礪  
花爭放不知名鑑昏月黑人談虎酒醉詩狂客掣鯨盡日  
奇峯看不足恍疑身在嶺南行

丈亭

西風吹病葉送入晚來潮墜影隨鷗沒新涼與笛招白魚  
江上饌黃菊雨中苗今歲秋偏早如何慰寂寥

晚晴簃詩匯卷一百五十三終

晚晴移詩匯卷一百五十四目錄

潘祖蔭 二十一首

張洵 八首

蔣慶第 五首

劉秉琳 一首

馮秀瑩 十四首

楊浚 二首

許觀身 一首

慶康 一首

郝植恭 二首

陳義 二首

汪曰楨 三首

沈寶森 七首

黎庶藩 十一首

楊光儀 五首

吳懷珍 三首

周士清 一首

范元亨 二首

吳鳳藻 一首

陳亮疇 一首

歐陽雲 三首

吳榮 二首

丁寶楨 一首

傅壽彤

七首

段廣瀛

三首

薛時雨

十一首

顏宗儀

一首

敖冊賢

一首

吳大廷

四首

方濬師

七首

楊峴

三首

柏景偉

二首

李士棻

六首

易佩紳

五首

朱承枳

一首

晚晴移詩匯卷一百五十四

徐世昌

潘祖蔭字伯寅號鄭盦吳縣人咸豐王子一甲三名進

士授編修官至工部尙書諡文勤

詩話文勤師家世通門早躋華選久直南齋宏獎士類與翁常熟並稱海陟司空兼領京尹以治振積瘁卒官雅好收藏於商周以來文字尤富纂摭古樓彝器圖釋輯刻滂喜齋功順堂叢書詩無專集從癸酉消夏南苑唱和集中錄存

孟鼎歌

孟鼎出岐陽劉

燕庭

吳苾子

皆著錄字畫獨瓌奇文從悉可讀

孟名古無徵王命寔嚴肅辭多戒醕醑

文有云在雩卽事口酒無敢醕有燕

豐祀無敢醑雩卽酺也

惟與酒誥續蓋是周大夫掌酒食畿祿殷以

沈湎亡周鑒凜墜谷立監又佐史申誠徧臣僕文王與武



王字左皆從玉

文王字三見皆作攻武王邊侯邊伯先受

田作湯沐

文有云邊侯田案左氏傳莊十九邊伯之宮近

南公南仲祖世卿著氏族

乃文有云荆乃嗣祖南公又云錫

寶鼎案南爲殷時國

成周事弗具墜簡久沈陸幸賴彝器

存十可證五六勿詳甯闕疑信耳且憑目苟其跡可搜奚

憚指畫腹偉茲宗周物鄭重等球錄何取輕詆謫魯贗同

垢黷況夫通借例多足證故牘綢建字殊形

我其邁相先

宗周鍾邁相字同阮

儀徵彼釋爲建非是

廢壞音同屬

勿濫朕命 佞古吾豈敢

聊破眾疑蓄

### 齊子中姜罇歌

大鐘爲鏞亦爲鏞我今試作齊鏞歌吉金辟鍊古所貴銷

沈無奈陵谷何深淵厯劫墜大鼎荒原有時出斷戈況復

鐘縣應樂律往往易代遭刊磨宣和天子獨嗜古遐陬花  
石同蒐羅一朝法物得齊鑄幾欲刻石銘巍哉厥後王薛  
並著錄刻畫嚴正無唯阿何期歷世幾千載尙有彝器神  
護呵同怡初年出晉土十分鼓一度不譌雕鏤精絕仍樸  
素字畫籀古非斗科篆間垂乳及鼓隧舞上旋榦盤龍鼉  
銘文百七十有二銑鉦左右如交柯神鯤擊海弄金翅天  
孫織錦穿雲梭惟王五月日丁亥首述父祖辭委蛇爲子  
仲姜作寶罇公族之女同英娥上祝侯氏次及母長願壽  
考無滂沱下胤兄弟與子姓爾彌爾性稱雍和錫邑疇民  
侈厥績凡茲旌賞皆殊科大工大徒更大僕銘中云余爲  
大攻攻卽工  
也釋政者非徧歷三事庸汝多定非讎讎等仗馬豈或靡  
腫笑疥駝我思名卿齊最厭晉楚雖大無能過二守以外

迭柄政宗臣庶姓資勩嗟茲也三世娶公姓高資貴戚承  
恩波才能自是烏苑亞司空營地平無頗人臣判縣止鐘  
磬魏絳賜半遑論他娛親北堂奏全樂益昭畏詔羞姝嬰  
所惜姓氏有闕泐爲辟爲賤徒摩挲其名京旁作命字六  
書無此滋嚙哦古壁殘涎踰踰贏高空斷字飛駟駝畫腹  
穿被悶逾此推求百一奚誇那昔賢蓋闕義竊取丹舍康  
衢尋坎軻窶人得寶重什襲恐有光氣穿銀河吁嗟博古  
此其偶傾家購易非蹉跎

悉伯庭中新植海棠閏六月重作花賦柬

一樹垂垂瘦可憐似聞手植曲闌邊已隨豔日爭宮體更  
借餘霞補綺天漢苑夢回深雨後蜀屏露挹早秋先何妨  
美醞傾千斛共醉花前笑作顛

詠行帳

北極星明拱帝居，樹叢隱隱見穹廬。風帆大海無邊闊，雲

錦諸天一片舒。就岸牽船

舊宮團河帳皆近河形卻似臨淵結網器

圖王以下用網城

意何如礙眉妨帽，從人說願問慙第七車。

初三夜聽雨作

秋聲撼枕不成眠，忽聽瀟瀟到耳邊。已自無塵何待洗，偶  
因有漏欲參禪。露華淨拭鑾坡道，雲樹遙生帳殿煙。陡憶  
橫塘篷底話，廿年無夢上吳船。

南苑絕句

新衙門接舊衙門，二廣前車屬內閭。此事自憐殷鑒在，唐  
家神策漢西園。

雙雙古柳幾番栽

高宗時補種見聖製詩

螞螳墳高土一堆，只有元

朝鐵獅子

在新衙門行宮有字五

行會看延祐瞭鷹臺

舊院仁虞說定誣

高宗海子行詩注辨其誤

三千海戶舊衣租似聞

鐵騎從天下

太宗時觀兵於此

廿四離宮已盡蕪

紅牆百廿里縱橫處處長橋流水平誰志河渠徵守敬更

談潞水續貞明

御樓

聽雨樓在舊宮奉望樓在新宮

天上微雲房松蓋童童倚夕陽暢好

六飛來駐蹕滿園林木盡秋光

問安中使朝馳騎進膳園官夕貢鮮舜日萬年真大孝至

尊心在兩宮前

射熊館古晝陰森霹靂弓鳴已殪禽騎射共知家法在綱

開三面聖人心

初四撤圍

撰擬詞臣日進箋大書龍爪細蠶眠鳳河浩渺蘭舟穩丹

札親題一洞天

御舟名

扈從羽葆盡仙官  
衣染驚黃羽翠鸞  
五彩雲霞朝日捧  
十行詔下萬人歡

神機營萬餘人

綵旌結陣龍蛇動  
銀燭成城星月繁  
神武聖謨周萬里  
玉關金甲尙雲屯

琳宮古鼎煥天章

高宗聖製德壽寺古鼎歌

惜未西清兩鑑詳  
好古

小臣生苦晚簪毫  
不及繼梁王

宮門咫尺隔紅橋  
一片蒼煙夜未消  
處處岡巒如畫裏  
飛泉萬點逐風飄

狐嘯烏叫隔山愁  
月色朦朧萬樹秋  
斗帳醉眠渾不覺  
醒來珠斗正當頭

雪笠煙蓑憶釣磯  
此間七十二泉飛  
溪山大好縈鄉思  
不

爲薤鱸也舍歸

查勘

福陵工程出都東長壽峯

閭

吳碩卿

景萱

兩

水部

橋山石馬汗猶新千里關山百戰塵自是春陵鍾王氣從  
知遼水出真人兩家羣紀風猶古幾輩倂般技入神熟讀  
考工知有法漫將鞅掌說勞薪

山海關

草色連雲古戰場漫從勝國論邊防北來地勢橫元菟西  
去河聲走白狼阜帽遼東空一榻青山華表幾斜陽闌風  
伏雨無聊甚行客先秋鬢已霜

張洵字嘯梅錢塘人咸豐壬子進士改庶吉士授編修  
殉難謚文節有張文節公遺集

宿西溪蔣氏山莊

繞屋新栽萬樹梅，紙窗竹閣儘徘徊。  
山中一雨溪流急，夜半泉聲入夢來。

過秋雪庵

庵被水圯

言辭交蘆庵，汎汎尋秋雪。僧房半已圯，荒野梗游轍。  
緬懷樊榭老，曾此寄禪悅。長短發幽吟，響激秋雲裂。  
斯人不可作，名藍亦銷歇。溪流蕩迴風，淒韻松篁咽。  
渡口久延佇，余懷鬱如結。獨有谿邊山，萬古青巖岌。

京口晚眺

鐵甕城高倚夕曛，南徐鐘鼓遠相聞。  
沙邊歸雁落如雨，天際片帆來似雲。  
鐙火樓臺延客眺，江湖踪跡感離羣。  
今宵拚醉篷窗酒，卧看揚州月二分。



宿遷道中苦寒

纔過桃源又宿遷北風吹上大河邊  
鴉盤禿樹棲難定馬踏堅冰噤不前  
怪石有聲飛曠野遠山如夢積寒煙  
大裘空負當年願十丈征塵正撲天

江漲橋步月

北郭月初上江橋策杖還  
天空秋影澹風定市聲閒  
隱隱漁家火遙遙湖上山  
沿緣獨歸去門巷未曾關

歲暮遣懷

急箭光陰逼歲除大江消息近何如  
四方多難頻憂國百事難爲且讀書  
種柳未成元亮宅入山曾挽鮑宣車  
陽和欲轉梅花放悵望春風到草廬

尋水樂洞

空山無絲竹天籟何處尋清響激嶢石奏此太古音覓洞  
犯秋曉幽暝惟山禽捫蘿儘孤往石竇深復深泉乳噴巖  
腹聲發不可喑谷虛若相應風戛時成吟多事笑秋壑爬  
剔勞苦心達者會其理請看無絃琴

### 游理安寺

羣山抱一寺深窈絕塵跡秋桂初著花引入游山屐妙香  
散諸天涼颺響林樾迤邐度前嶺谷邃徑逾窄一亭當寺  
門四顧但松柏日色冷不光萬樹并一碧小憩籟俱靜前  
行境尤寂緬懷伏虎師於此昔棲宅法雨清泉飛松巔高  
閣闢試登古剎頂已據羣峯脊山深秋氣肅地蒨雲陰積  
憑闌一以眺蒼然澹心魄潺潺谿自流黯黯日將夕扶藜  
獨下山又作塵中客

蔣慶第字秀萼又字箸生號杏坡玉田人咸豐壬子進

士官章邱知縣改內閣中書有友竹草堂集

詩話杏坡初令山左迭知武城汶上濰縣博平章邱諸邑皆有惠政改中書以重宴鹿鳴進秩視侍讀治古文駿邁條達詩亦凝重不落凡近

負兒林檎下

負兒林檎下兒嘯索果嘗辭樹十五年兒身如父長林檎  
蠹不實我身安得強悠然寒日暉迫暮趨平岡此木儻未  
薪戒兒長毋忘

和趙菁衫九日留別之作

瑟居萬緒春蘭拙冷蛩夜促黃花秋朝來幅幅塞雲黑使  
我意在北山北天邊一雁揚音來明湖作酒三千杯敗荷  
點霜碎於纈忽如綠沼朱華開三年人事苦顛蹶視我星

星酒中髮枯枝自抱真寒蟬滿腹秋心瘖不發繡袍才子  
工挽強蜀江鴛錦仙機張袖底江山出新藁汗流湜籍未  
足道濟南名士開敦槃飛霞結佩芙蓉冠大者兵車細屏  
屢約束仗爾爲齊桓攬袂斷轡爭遮挽卻愁十日不盡歡  
彩箋炫眼一篇玉別情萬疊秋波綠灌夫意氣班超侯四  
十男兒那刺促短鞭脫壁風生衣一夕言歸卽日歸身騎  
土牛且東魯鄉心葉葉離亭飛

放衙

隔坐青山勸放衙小胥斂牘趁歸鴉城頽古堞斜通路菊  
瘦荒畦晚見花鄉思涉秋濃勝酒名心退老薄於紗藥囊  
拋擲書籤冷太息吾生拙畫蛇

雪意

已度清霜有夙期  
凍雲徐展峭風遲  
一枝作態梅痕活  
半晌驚寒鶴夢疑  
客舍長安愁酒價  
吟情灞岸動鞭絲  
生綃淡墨何人會  
絕勝紛紛舞絮時

疏樹無聲雀不譁  
深深雲葉暗含花  
氣沈野水畫先瘦  
暝入寒村煙半遮  
結束槿墉除廢蔓  
安排茗具點新芽  
有人紙帳清宵卧  
誤喚溶溶夢裏家

劉秉琳字崑圃黃安人咸豐壬子進士歷官直隸天津河間道有朔風吟略

阜城門外畏吾村明李文正墓

明代茶陵漢太邱當年妙用此  
剛柔默爲元氣爭消長不與羣賢競  
去留蜀道典兵防八黨福清知己共  
千秋大臣納約非無牖豈必都門逐  
謝劉

馮秀瑩字子哲一字蕙襟大興籍慈谿人咸豐壬子舉

人歷官員外郎有蕙襟集

詩話蕙襟文采冠時累試春官不第謁選得滇之恩  
安令以循良報最調昆明間父病乞歸後從楊禮南  
學士校上蜀中詩古文詞卓然成家尤工倚聲配沈  
仲鼐唱和相得甫十年而歿蕙襟不再娶取七發意  
自號梧桐居士名其齋曰守雁山房作悼亡詩至數百篇

題孫鐵珊橫雲書屋集

窮冬客潞河風頑石亦凍愁如虎狼秦欲避苦無洞走尋  
吾好友狂談快始縱歸攜橫雲集秉燭飲且誦滿室煙冥  
冥翛然廓塵霧君才信奇絕啾鳥一威鳳潘陸並廊廡班  
傳參伯仲詩篇尤巨擘鬱乎作文棟歌行勇可賈律絕姿  
善弄想當墨濡豪有若鞭就鞞百家效馳驅萬象隨磬控  
伐材歌章辨槃柢風雅頌神漢軒其波天衣滅盡縫匪獨

工設色兼亦妙託諷音激中散哀時感太傅慟麾彼詒癡  
符餉之益智糗餽睨在三唐不知世有宋於戲如斯人乃  
困苜蓿俸射策失甲乙徇鐸勞倥偬令我塊難平欲叩九  
關訟憶昔定交因新聲賣花送款關夜相訪嚶鳴和簧唢  
見卽超故知蓋傾忱已貢淄澠證味合城府謝甲衷從茲  
數晨夕書史互磨礱寒解淮陰衣眠敲銅陽甕屬意各千  
秋語不顧驚眾剛腸取舍同勝游追逐共秀瑩落拓者散  
木誰賞贛先生加咳唾腐草得露種握蘭齒以序攻茅瘡  
必中養性無嫉情譬諸飲乳湏手詞更招邀角酒閒陪從  
敢狎齊晉盟竊效鄒魯閑屈指今十年轉瞬春過夢衰毛  
星半皤窘狀月屢空迴首光景非怏怏此心恫質改梁鴻  
春機斷蘇蕙綜南宮三點額望杏尙餘痛幽憂日抱疾恆

鑄島佛供章句何足臧君言豈我哄緬懷古人志生才定  
有用先生人中傑餘事繼文統眼小四滄溟胸吞九雲夢  
終當曳繡裳與世覆錦幪大鼓掀天風直埽挂樹松露布  
下吳越持節復秦雍吐氣壯吾儕詩仍以人重

四遐

求友五十年所獲僅四遐雪緣首僊蛻遺札皆天葩鑒物  
神於音冥析誰箏琶老窮梗陽鐵詩膽懸劉叉齒莫稗朱  
青竹馬黃金車後來狀頭魔健羨鳩槃茶慧業雖終存鑑  
火殊未加同年笑山子晚遇冠觸邪雋句與名章駘驛奔  
鮮霞餘賢被罡風盡墮羅刹家謂時文也才難知尤難三復增  
歎嗟

涼波



涼波昨夜起，蹙我池上樹。蕭蕭行可惜，耿耿歲將暮。故鄉日云遠，誰當共情素。惆恍追昔游，黯然隔重霧。幽憂迴難釋，中庭思且步。人生如浮雲，流宕不得住。胡爲自跼蹐，三歎復四顧。廣野多悲風，大道有歧路。汨俗未能識，急趨慮妄附。願與金石交，委心任所遇。

漁父行

湖平宛似秦宮鏡，漁父恆漁不言姓。童笑山中宰相詩，婢羞洛下書生詠。岸巾自棹細腰船，塵扇長懸黃竹柄。曲直隨鉤，手信投密疏，任細心無競。鶴髮殊非呂氏翁，羊裘卻似梅家倩。閒尋蘭若劣通禪，酷嗜煙霞深入病。笠側蓑披倦卽眠，雲鄉遙指翠微邊。一辭帝闕三千里，兩見天弓六  
百弦。春雨春煙晨蕩槳，秋樹秋花夕扣舷。探若青穿點額

鯉脣桂紅前縮項編會稽尙輕公子餌邯鄲豈顧女兒錢  
頗聞日唱漁家樂君是漁家第幾仙

開關

鎮日不開關於書癖好班貧猶嫌鶴佞病始覺松閒答簡  
慵經歲尋詩夢入山晨醒身在簞頗悔又飛還

兩弟

兩弟平安否無書渡劍門家居端我念生計與誰論珠桂  
飢寒色池塘涕淚痕愁來誰慰藉自抱小孤孫

謝氏池亭

環碧寫山屏秋光上小亭露搖魚綴尾風定鳥梳翎金橘  
懸衣桁銀荷汎酒船雙鬟擎一曲明燼亦堪聽

遙夜

遙夜恆賓館芳辰半馬蹏歸稀光祿沐眠甚太常泥嬰疾  
徐家女傷年管氏妻追懷雙淚激直上與星齊

瀘州試院不寐偶成次韻

廣寒一鎖判仙凡幽緒如落未易芟續命迢遙煩鳥使當  
歸稠疊負魚緘秋霜擗葉愁侵被春雨桃花淚上衫爲問  
河陽千載恨可容精衛不生銜

開舊筭作

蠲網蛛塵罩赤汨淚花一鎖幾春秋錦魚慘淡雲雙疊繡  
鳳闌珊月半鉤挂鏡芙蓉殘粉退折釵芍藥宿香留九泉  
若不逢卿面再世還從牧犢游

漫笑

漫笑臺郎是散仙愛花謫墮正千年染新塊疾添詞癖改

舊衙名署酒顛逸氣洞冥珠客泣哀音激漢玉人憐功圓  
不許空歸去令拓齊州萬點煙

清波

清波宛宛漢沈沈玉海無風渡碧潯龍藏展綃多綺思鳳  
臺戛磬有笙音徘徊未藉霞籠佩謫降仍聞月抱襟織女  
星三嬈女四不知誰動愛才心

夜歸曲

扶下七香車釵頭玉燕斜明知郎秉燭故看膽瓶花

春暉

昨夜一花飛今朝一騎歸歸飛如有約辛苦是春暉

楊浚字雪滄侯官人咸豐壬子舉人官內閣中書有冠

悔堂詩鈔

詩話雪滄才氣超邁弱冠舉於鄉中歲從左文襄戎  
幕馳驅關輔偏覽岱華恆嵩諸勝寫志抒抱慷慨蒼  
涼比晚無所遇欬辭抑塞之氣一發諸詩格益老氣  
益蒼一身若判初盛文襄器其才深相引重顧未嘗  
一厠軍功邀刻牘品格可見嘗刪纂涇州志略抉擇  
精審唐蓉石觀察爲集資付梓

雨後觀月

獨於殘漏一登樓似水銀河宿雨收得月最難如此夜多  
愁終古不宜秋仍望雲氣思人海自向星辰問斗牛寂寂  
千山烽火後不逢南雁話離憂

七月五日鄭高密生日和稷垌韻

先生能發公羊學畏友重開此日筵後至莫辜賓客會清  
時那有黨人篇石犀取悅終爲病木雁論材或自全奈此  
洛陽風雨感且拚一斛醉來眠

許觀身字子賓號賓伯仁和人咸豐壬子舉人官兵部

主事

采茶歌

采茶早冰芽小采茶晚綠雲滿顧渚蒙頂春風多女兒連  
袂來山阿驚雷之萊吉祥蕊社前細雨連番過抽芽纖纖  
嫩於玉綠痕瘦比蛾眉綠山厨欲焙逢禁煙限期只恐頭  
網促茶綱作貢自年年寒食清明斷雪天製得密雲龍小  
樣君謨搜取入茶箋公家權茶問茶戶上品緘斟奉官府  
此時但解嗜茶甘此際誰知采茶苦今年葉卷芽枯焦恰  
值三春少雷雨薺園早晚償茶租田間菜麥還乾枯

慶康字建侯滿洲旗人咸豐王子舉人歷官直隸候補  
道有墨花香館詩存

晚途

古道映斜暉風寒夕照微人隨暮山暝鳥帶片雲歸倦續  
眠沙穩棲鴉繞樹飛兩三頰白叟閒對話柴扉

郝植恭字夢堯三河人咸豐王子舉人山東補用道有  
漱六山房詩集

哭李實堂

性情豪邁絕凡倫悵望天涯有淚痕生是四方無定客死  
爲萬里未歸魂探囊牢落留詩句荷鍤佯狂對酒樽移徙  
庭階思舊況不知明月已當門

與吳述之夜話

銀燭燒殘短几支周旋我亦愛吾癡論交每在忘形後知  
士當於未遇時客爲看花能脫俗詩如還債不嫌遲書寮  
寂寂通宵話強發高歌對酒卮

陳義字莊甫又字蘿莊號西漁蕭山人咸豐王子舉人  
候選知縣有如是住齋遺集

讀漢武帝紀

蜚廉桂觀鬱崔嵬四面珠懸甲帳開青鳥不來仙露冷秋  
風獨上望思臺

韓二橋太常見訪

鎖斷柴關避世喧花前忽喜在高軒肯來杖履知身健但  
看衣冠識道存游爲興多隨處好詩因律細少人論尋幽  
不厭停車轍擁帚無時掃席門

汪曰楨字仲維一字剛木號謝城又號薪甫烏程人咸

豐王子舉人官會稽教諭有玉鑑堂詩存櫟寄詩存

詩話謝城博通經史治律厯音韻之學著作等身詩  
非其傳長而澤以經籍自然篤雅楊蘋叟爲作序謂



卷軸之氣爛  
於紙上信然

酬宋樗里棣次韻

龐眉屏跡海東濱  
翕集聲香溢齒芬  
有豹深藏方隱霧  
與龍追逐願爲雲  
書倉珍祕靈蘭室  
詩律精嚴細柳軍  
他日幅巾來問字  
忘年應許結同羣

冬日學舍病中作

忍飢甘作紆干雀  
腰纏莫羨揚州鶴  
冷官破屋風騷騷  
頌酒弦詩亦云樂  
奈何小極忽見侵  
一熱一寒相間作  
困眠無復縱談豪  
可惜知交盡離索  
區區微祿豈救貧  
斂版低心不知忤  
名爭利奪紛勃磔  
安得天游祛六鑿  
姑吟苦語遣病魔  
或者病魔能退卻  
君不見古來文章勝  
良藥檄愈頭風詩愈瘡

得上海李梯雲 邦勸 書中述吾友南匯張嘯山 文虎

語感而有作

未習脂韋媚世資開官冷署且棲遲四愁平子兼多病五  
短文通祇自知尺素偶然貽友訊寸長何敢作人師青雲  
冠蓋多如許齒及衰翁恐未宜

沈寶森字曉湖浙江山陰人咸豐壬子舉人官龍泉教

諭有因樹書屋詩藁

詩話曉湖與李越縵交契光緒庚辰越縵捷春官曉  
湖賀以詩有云天以仙才酬樂育人緣經術重科名  
爲都下所傳誦其詩集經越縵評點爲題二絕云松  
圓風格霽山思冰雪梅花絕代姿恰是夜窗寒月上  
溫茶殘燭對君詩彈徵聲酸客裏貧登樓頭白  
爲思親鄉園兄弟兼師友淪落天涯得幾人

喜屠廬田 石麟 至京

不信君猶在音書隔五年賊中杜陵淚海外管甯船謁帝

中興日思親萬里天今生復相見秋鬢各蒼然

有懷鑑湖春事

五里人家十里塘畫簾人影對湖光桃花水滿分秧早棟  
子風來煮蘭忙臨水小門通酒市轉橋深樹出茶檣當年  
只道尋常事客裏相思爲斷腸

二月廿五日白蓮舉拜先忠愍墓

爲國鋤奸不顧身姚江絕學有傳薪百年碑版淪荒土一  
代封章屬小臣山抱松聲寒作雨船穿石影綠皴人清門  
子弟多淪落留得家風舊日貧

五月二十六日薊客枉顧山中獲讀其楚游諸詩感  
成長句

江村十日黃梅雨波濤入戶不得晴扁舟忽報故人至滿

衣檐雨一笑迎袖中示我楚游草知己相逢轉潦倒家徒  
四壁爲壯游他鄉歲暮傷懷抱隨園以後詩格卑街譚里  
語相摩追先生隻手障東海春霆一發蘇聾癡從古天心  
浩難測誰實生才轉相厄安定教士叢譏讒相如爲郎困  
資格上書十載長安市東閣相延號知己讀書坐老中興  
年閉門著書豈得已山中五月新竹成綠陰罩地黃鸝聲  
楊家果紅吳鹽白風雨高歌浮百觥飢寒那得久鄉里良  
夜清談復餘幾新詩錄盡月五更山鐘搖雨曙鴉起

俠客行

裘馬五陵客相逢入酒肆匣中龍劍連夜吼人間定有不  
平事千金散易盡潛身入蒿萊感激在意氣荆高俱麤材  
手擲人頭笑歸坐錦筵紅燭乾百杯酡顏色轉青停杯默

不語荒雞鳴四野長揖出門去主人追送塵茫茫殘月在門不知處

書劍南詩後

形勝中原棄不收年年家祭拜松楸荆襄未及留雄鎮關洛誰能扼上游天水至今無片土臨安終古有高樓衰年勿爲南園誚北伐原來爲復讐

劍南崛起東坡後楊范尤蕭合就刪史筆居然追杜曲詩情漫說衍茶山人歸紅樹晴川外家在杏花春雨間聽說沈園頻易主驚鴻影裏水潺潺

黎庶蕃字晉甫號椒園遵義人咸豐王子舉人官兩淮鹽大使有椒園詩鈔

詩話椒園爲篠庭弟篠庭作詩鏤肝刻腎工於寫景刻畫山水幽秀嶢露而才力稍弱椒園詩有豪氣不

耐苦吟薊齋拙尊園集有仲兄椒園墓志銘言與並  
案讀屬文必盡夜分每至月落山寒窗紙映黃金色  
竹露滴漉有聲吟哦未已庭有古橙我君所手植時  
或黃圓下實大聲若然擊屋瓦皆碎爭敗戶往拾返  
讀如初初持用笑樂  
如是者三年業大進

### 歲晏行

北風蕭蕭吹我衣歲行暮矣歸無期強對空尊慰牢落欲  
沾正苦囊無資誰人使我不得已江湖風雪舟屢移妻孥  
相看瘦到骨破裘不暖仍嘔飢平生怕別別更苦晚歲忌  
窮窮益奇明知天意渺難測苦投世網長相羈詩書成淫  
況非福但有嗜好皆支離中年學道悔不早避人乞食甯  
非癡鏡中朱顏已殊昨政恐白髮來相欺更闌掩卷三歎  
息短檠何喜花歲衰

### 春菜詩

前胡落釜甘勝肉

前胡菜產貴陽春日夷女采賣呼曰姨媽菜

野藟登盤賤于

藪一春煙雨大巢生十日煥晴香菌簇馬駒駢齒莧初翦

幼穉擎拳蕨猶禿棕魚觶觶子滿苞野鵲毵毵花聚粟

播人

謂薺爲鵬菜

意中諸葛遠難致箸下元脩嬌足錄小加薑豉發

微鮮旋點椒鹽元不俗庾鮭頓頓勉加餐范甌朝朝供畫  
粥貧家得此已誇富晚歲佐庖奚不足一從薄祿誤櫻心  
自笑先生真負腹駝峯熊掌夢不見葑甲蕒丁空寓日何  
時歸種蜀包蘆尙及西村蠶豆熟

### 故園

故園不可望望極轉蒼涼落木三湘暗歸雲萬里長羽書  
初罷戰遺老尙耕桑聞說今年稔家家只蓋藏

斤竹溪邊宅棕櫚四面環有人間把釣無事懶開關野鹿

眠芳草春禽響暮山年年此時節風雨籜龍斑

晚泊鄆陵

一角孤城撼怒濤逆風蓬背響蕭騷全家作客良非易萬里思親敢怨勞峽氣曉連江水白灘聲夜轉鐵門高孤舟此地成愁絕何況哀猿帶雨號

歸州

峽東湍鳴猿夜愁萬峯延暝上孤舟停杯月出煙外寺對語風生江上樓雲根翻倒地底裂石色窈冥天半秋東南況是昭君宅破帽題詩還獨游

懷甯舟中憶子偲先生

十年不作游山夢每歎忙人自不閒卻復一辭彭澤宰暫來相對皖公山小晴殘雪數峯見落日遠煙孤鳥還負此



林巒不高卧故人西望有愁顏

遣次子尹禕還黔

又將骨肉輕離別坐遣迴腸寸寸剗昨夢已驚安節去此行端爲阿通難青鐙老屋貧家瘦落木西風遠道寒知汝明朝在何處山青雲白水漫漫

爲介亭兄補作六詔趨庭卽系以詩

檳榔花落鷓鴣愁苦竹黃茅盡打頭記得五更騎馬去瘴花香入古雲州

綏陽道中

白楮溪流彎復彎黃魚橋下波潺潺西山一半畫不得爲在白雲靄靄間

後懷人

長淮繞郭碧於油二月桃花已滿樓閒話江南君憶否雪  
芹芽筍膾春鳩

楊光儀字香吟天津人咸豐王子舉人有碧琅玕館詩

鈔

詩話香吟先生詩綽有風調是  
襲崔念堂梅樹君之餘韻者

讀史雜感

生才大造果何因變相登場總絕倫誰道分香非韻事須  
知鑽李亦傳人山河不幸虛名世鐘鼎無靈汙劫塵擔糞  
著碁都弗解還從物外寄閒身

勒石浯溪際中興深宵不復感雞鳴分符典郡皆能吏東  
帶談兵負盛名絕學甯無秦博士空文誰致魯諸生有人  
更作生還望老去班超尙遠征

明倫彙編 家範典 一五五  
黃金臺歌

士爲知己用豈爲黃金來隗也自薦吾不取嗣王況復多  
疑猜黃金臺高崔嵬畢竟豁達非庸才隗也一言動人主  
七十二城煙塵開吁嗟昭王安在哉駑馬驕鳴駿馬哀渥  
洼之產不復至天閑仗馬稱良材細芻鑿粟供飽食金羈  
玉勒生光輝伏櫪老驥瘦且死骨朽不識黃金臺黃金臺  
高崔嵬夕陽憑弔迷蒿萊

小隱

清溪迴抱亂峯斜白板雙扉處士家別館輕陰迷柳絮小  
樓明月夢梨花村尨不吠看雲客林鳥還驚問字車偶爲  
探奇忘近遠石梁盡處飯胡麻

題畫

一簾秋色印寒沙風味柴桑處士家不耐騎驢城裏去屋  
南山下踏槐花

吳懷珍字子珍一字聘士號漱巖仁和人咸豐壬子舉  
人有待堂詩柳西吟館詩草

馮唐墓

漢代名臣墓風前立馬看殘碑荒蘚合古木野雲寒流滯  
年華促明良際遇難揮鞭行不得回首望長安

送蔣恭亮之東臺

白日欲落風在林前嘯狐狸後悲禽問子行役向何所大  
江自北黃河南江水東入海河流日澎湃河伯何不仁屢  
作人民害君不見今年六月黃河決生靈百萬皆魚鼈況  
復干戈海內多江淮浩浩常流血我已輕出子復爾慘執

子祛不可說吁嗟歲闌風雪寒  
長途愁子衣裳單尊前強起  
互相酌爲子高歌行路難  
歌成予亦從此去回首江南  
渺煙樹

湖上同蔡子鼎譚仲修

輕舟一櫂入湖西和爾行吟過白隄  
宿雨畫橋煙水碧空山喬木鷓鴣  
嘯吾曹嘯傲仍詩酒大地兵爭日  
鼓輦淒絕長河控南北登高雪涕爲羣黎

周士清字次軒海甯人咸豐王子舉人有享金齋詩集  
江晚

白日忽西匿一江風色寒  
篷聲轟戰雨篙力健爭灘  
魂夢蛟龍怯稍梁鴻雁難  
遙憐思婦淚何似水漫漫

范元亨初名大儒字直侯江西德化人咸豐王子舉人

有問園遺集

春日飲酒

春芳不畏落年年開滿枝蜂蝶死霜雪微暝行復飛大化  
有遞嬗去來無足悲齒髮本同體脫落不復知顧此現在  
身良可深長思山中多白雲庭中陳酒卮白雲有聚散酒  
卮無盡時

觀錢南園侍御畫馬

蕭蕭榻上天風起眞龍遠涉流沙水誰能放筆爲此圖二  
百年來錢御史何年房駟墮人間羞立彤階仗馬班嚼殘  
金勒神鬱怒朔氣紙上森清寒千金祗願酬恩遇飛電無  
端從鞚馭顧盼分明獬豸心迴身自惜麒麟步鬣毛上指  
晴光數萬里塵開蹋風走歎玉長嘶徹九霄天門虎豹應

明倫彙編 家範典 一 五 五  
低首我聞御馬好頭赤青驄凋喪無顏色可憐畫骨今何  
人令人空憶曹將軍

吳鳳藻字蓉圃錢塘人咸豐癸丑一甲二名進士授編  
修歷官禮科給事中

看雲歌

小樓四面春山多弄晴風月何婆婆登樓望遠興無極白  
雲忽起青山阿初如輕絲忽如縷或如匹練或溼漚已看  
蒼翠失前峯旋見冥濛沈遠渚樓前古木參差平鷓鴣嘯  
徹煙冥冥碧桃樹上鶯欲語水晶簾外花微馨鶯語花馨  
正未已山中微覺輕風起濛濛雲氣忽吹開朝陽依舊橫  
山紫君不見千秋萬歲一滄桑人事升沈亦如此

陳亮疇字德生武進人咸豐癸丑進士改庶吉士授編

修有心潛書屋詩存

送倪豹岑前輩詣京師

立馬蒼茫問所之最難言別送君時天涯杯酒同歌哭  
霄漢觚棱託夢思十丈塵沙吹不散萬條煙柳賦將離  
桑乾欲渡須舟楫莫向商山茹玉芝

歐陽雲字陟五號石甫彭澤人咸豐癸丑進士授戶部  
主事歷官河南道監察御史有亦吾廬詩草

曉發

客路警殘夢離情赴早行  
鐙光欺曉色人語壯雞聲  
雲氣日初動麥苗風更清  
勞筋不知倦漸近是歸程

新安縣

四山圍一鴈高閣出危城  
人語奔雷閬溪聲驟雨驚  
炊煙



龍古穴寒色黯春晴爲問新安吏何年罷點兵

羊角山

羣山倒鎖秦關鑰百折黃河天上落州城橫扼怒流衝懸  
崖高挂羚羊角危橋百丈騰長虹憑虛直上如乘風兀然  
四顧絕依傍高樓屹立天當中軒檻可憑不可望欲墮不  
墮心跌宕奔濤萬里入胸懷徑思濯足河之上窗櫺閃閃  
天風鳴萬籟助作龍吟聲中條熊耳肅相向何處仙翁空  
復情君不見神工偶爾三門啟從茲故道頻遷徙世事滄  
桑誰與論安得扶搖九萬里

吳榮字又桓黃岡人咸豐癸丑進士官刑部主事有誦  
芬堂詩集

對雨

竟欲憂天墜蒼茫百慮侵登樓王粲淚蹈海魯連心事過  
惟耽酒悲來轉廢吟誅茅向何處愁對碧山深

答葉潤臣同年

清切蓬萊隔上方漢陽雲樹總蒼茫不辭簪筆趨薇省何  
處題詩寄草堂遠道思親愁似海世臣憂國鬢如霜北來  
我亦無家別先蠶松楸足斷腸

丁寶楨字穉璜貴州平遠人咸豐癸丑進士改庶吉士  
授編修官至四川總督太子少保贈太子太保謚文  
誠有十五弗齋詩存

詩話文誠撫山左論誅內監安得海一時企其風采  
其後久鎮蜀中威惠並著初守岳州登岳陽樓有句  
云希文而後我登樓  
可謂使君於此不凡

自灌縣勘都江堰還成都道中書所見

去日穀栖田來時草履屋歲功已告成農事應休沐侵晨  
度陌阡翻犁聽叱犢偶問田間人胡爲日馳逐答言霜降  
逾播穀兼種菽天時不可留人工應求速逸居雖足思妻  
子安所畜吾儕終歲勞有秋便云福我聞語未終私心如  
轉軸力穡如此勤猶恐缺饘粥念彼城市民坐飽太倉粟  
彼雖前生緣酖毒已暗伏試看轉瞬間飢餓滿溝瀆

傅壽彤字青字貴筑人咸豐癸丑進士改庶吉士授檢

討厯官河南布政使有澹勤室詩錄

詩話青字早歲家貧力學母氏典餽爲購皇清經解  
舉鄉試第二揭曉時監臨賀耦耕中丞賀得人主司  
爲何子貞太史書實事求是照之阮文達曾書此四  
字以貽子貞示漢學相傳也館選後從軍中州磨盾  
行間雅歌不輟

待何子貞師登黔靈山絕頂

西南天畔萬山秋，壑祕巖扃太古幽。絕境至今誰載酒，先生到此我從游。俯看雲氣來齊魯，坐擁星輶拜斗牛。鄉郡料應添近事，許君門有尹荊州。

葉縣道中

昨上方城道，今來昆水邊。河山留戰跡，風雨話當年。地闢民常樂，時平吏欲仙。王喬猶在否，祠樹望依然。

丙午冬再偕楊劍曇北上留別同學諸子

匹馬頻年盼，卣鞍催人風雪又。長安青回野岸邊，笳冷白走荒沙亂。葉乾各有詩情隨，夢轉平分劍影入。愁看天涯難寄相思緒，記取燕山路幾盤。

邢臺旅次題壁

北斗橫空夜正高，朔風吹月上征袍。年來更入中原路，醉

倚青天綽寶刀

沅陵驛舍有懷劍曇夢廬

十年風雨鬢絲凋眼底春深路幾條爲問相思何處是亂雲孤樹五溪橋

五月十一日夢中得首聯十字次日劍曇至自京師因續成以贈卽送其通判嶺西

當筵星斗直俯瞰大河秋何處青楓館相思紅葉樓人天兩攜手杯酒話從頭萬里嚴關路因君懷舊游

菩提寺

見說菩提寺峯多不易尋其間饒水石我輩好登臨繞樹綠雲滿到門黃葉深裴裒不忍去空翠落庭陰

段廣瀛字紫滄號雁洲蕭縣人咸豐癸丑進士改庶吉

士授編修厯官河南糧儲鹽法道

詩話雁洲覃研經術素工帖括由庶常隨辦河南軍  
務奏保留館淳樸道員數經提調河南鄉試題下輒  
有擬作揣摩風氣者恆手錄諷誦奉爲程式迨官糧  
儲猶以舉業授徒每於官書之次雜置文藝據几危  
坐講解批削手口並進掾史生徒環侍於側望者不  
知其爲長官爲老師也時太倉錢敏肅任於撫亦樂  
造士屬雁洲就亞聖廟闢游梁書院爲客籍士子肄  
業之所規制悉所手定余兄弟少時亦相偕應課月  
博獎金以繼膏火一時宦游子弟拾青紫以去者如  
朱古微侍郎祖謀徐少洲舍人紹康鄧笏臣太守嘉  
純李搏霄觀察振鵬其尤著者也

殘夢

不勞馬上續一覺更無蹤人跡渺何處風波失幾重孤鐙  
千里客寒月五更鐘多少浮生幻尋詩仗短筇

遣悶

門靜晝長閉夜吟春欲闌孤鐙鄉夢短小雨柝聲寒懷抱

向人盡風塵且自寬乾坤滿羣盜日日寄平安

登天雄城樓

荒荒落日戍樓西風卷平沙鳥亂嘯隴麥趁晴將作餌林  
花過雨半成泥苦無仙句留鴻爪欲逐豪家試馬蹏今日  
不須勞鎖鑰北門城外草萋萋

薛時雨字慰農一字澍生全椒人咸豐癸丑進士歷官

杭州知府候選道有藤香館詩刪存

詩話慰農居杭最久其詩亦如西湖山水清而華秀而蒼往往引入人勝至傷時感事沈鬱頓挫駁駁入少陵之室六十以後不復作詩屬其門人譚獻刪訂全集獻爲仿山谷詩例編桑根老人精華錄二卷行世

縹雲石爲大力將軍遺蹟嗣由海昌馬氏園移至石

門福緣寺丁少薌司馬

博

繪圖徵詩爲賦長歌

男兒第一快心事手挈黃金報知己黃金容易擲東流未  
若此石常千秋大力將軍熊虎儔生成骨相當封侯不逢  
知己老且休亦如此石偃蹇卧山邱蛟龍一旦得雲雨功  
名從此探囊取富貴豪華不值錢算來何物將天補此時  
此石早顯露鈴轅屹立風雲護倔強能增叱咤威峻嶒不  
改堅貞素傳呼忽報貴賓來將軍倒屣營門開酬恩未計  
千萬鎰痛飲先盡三百杯哀絲豪竹鳴如雷後堂鶯燕爭  
追陪陡見此石叫奇絕激賞欲易千瓊瑰將軍慷慨告石  
友我受此君知遇厚爾今亦受此君知爾我酬知同不朽  
故人家在青海旁軒楹瀟灑花木芳邱壑位置頗稱勝結  
構不亞平泉莊縹雲一朵忽飛下故人相見增驚詫袍笏  
眞應拜米顛奇章甲乙都無價天上白衣變蒼狗曄雲一



瞬空迴首梓澤經年易主人監軍何處藏醒酒塵蹤飄忽  
靈根堅繁華飽閱傳真銓名園別館轉眼皆雲煙惟有佛  
門香火千千年樂兒溪水駕湖連我未見石心紫牽多情  
司馬遺雲箋索我潑墨題詩篇披圖快見石兄面真相如  
佛神如仙昔從野史悉顛末今從尺幅徵因緣寄聲司馬  
且珍重歸裝留鎮鬱林船

湖州舟中

水鄉何黯淡逆旅半無家露氣沈菰葉秋心入葦花戍荒  
飢卒譟野曠陣雲遮倚棹眠難穩山樓急暮笳

菱湖稱巨鎮亂後景淒清華屋將軍帳荒村壯士營稻香  
肥戰馬潮湧遏奔鯨困獸岫猶負天河望洗兵

題弢叔龍湫觀瀑圖

書生慕山水局促居戶庭達官多勝游冠蓋愁山靈亦有  
高隱人守此泉石貞誅茅穿徑苦湫隘拳山勺水名難成  
江生曠世才逸興凌青溟東游齊魯攬泰岱南涉閩嶠窺  
滄瀛輶車所至橐筆至目窮雲海胸羅星筮仕近隸浙中  
籍湖山佳處停吟旌六橋三竺眼爛熟奉檄更作雁宕行  
雁宕之峯七十七離合向背無定形天驚石破龍湫出東  
西兩派流縱橫老龍晝伏眾籟息忽聞千巖萬壑鏗鏘鳴  
縹緲湘靈瑟淒清子晉笙玉聲璆然雜環珮又疑雙雙董  
許朝瑤京仰觀乃在絕頂上飛泉百道流琮琤懸崖倒挂  
據勢要一氣歎薄無留滯擬以懸布翦不斷比之曳練色  
倍明搏躍豈僅水過潁瀉注不異屋建瓴黃河九曲眾流  
混銀濤一綫萬弩勅未若此瀑極峻潔在山出山無異情

香鑪遙隔靈脈共石磴層折玉花傾靜觀欲探源所發但  
覺山空樹古天容青江生是時大快意眼界開拓心神清  
山泉何落落山溜何泠泠班賦不足擬陸詩不足賡劃然  
長嘯向幽谷湖雁咎響湫龍醒壽之圖畫藏篋笥要我禿  
筆相品評我生已被塵海溺故山猿鶴寒舊盟懷嵩樓醉  
翁亭歐陽六一李庶子千秋名勝留公卿奈何棄之追塵  
纓坐令雲壑關柴荆腳韉手版爭送迎名韁利鎖相牽縈  
清濁不辨渭與涇輕重不計淄與澠朝朝聽鼓撐公廳轉  
喉觸諱心怵怵安得山中飛瀑百千道一洗眼前虛憍之  
浮名

十一月既望獨游韜光得詩二十二韻

孟夏風物美命儔訪淨域

謂四月廿八日靈隱之游

咫尺鄰韜光微雨

泥游屐在再至仲冬夢繞北山北幸茲氣候暝地鮮冰雪  
積乘興續前游踽踽行蹤僻落葉踏有聲衰草踐無跡興  
夫各賈勇上上徑益仄猱升達峯腰螺旋入林隙遂登最  
高頭靈境金仙闢山門煅劫火佛像委路側莊嚴易變遷  
流峙何終極憑虛恣勝賞蕭然塵慮滌近眺西子湖波光  
漾空碧遠瞰錢塘江湖痕淨如帛空山作睡態老木含霜  
色藤枯綴果紅竹密翳雲黑馴禽暗窺人癯僧出伺客汲  
泉烹茗茗獨酌意良得但知天地寬不覺身世窄掀髯動  
清興拈毫思疥壁勝地富詩材奇景紉筆力下山近黃昏  
鶴唳諸天寂

中秋夕循清涼山步月

薄醉御涼颼緩步入山麓月出山蔽之疏影動林木須臾

升中天一色淨如沐清氣通乾坤好景豁心目世人喜美  
滿香花薦芬馥兒女喜團圓醴酒陳醲郁嫦娥意自閒廣  
寒終古獨始知作仙人所得惟清福蟲吟夜轉靜草豐徑  
彌曲下山息吾廬幽興自然足回頭望翠微似有孤雲宿  
新晴散步

雨中度殘秋陰霾倏彌月新晴偶散步芳草久衰歇途遇  
郭外農羸瘦見筋骨家墾五畝田無牛自開掘晚禾將上  
口淫霖悉漂沒又愆樹麥期春花難望發租賦縣官催差  
徭里正訐終歲無一飽反受不毛罰防秋大徵兵不如去  
爲卒我心本清閒聞之呼咄咄舊爲牧民吏有觸輒跪跪  
不憂邊氛狂但恐民力竭今無採風使詩成搔白髮

孟夏五日獨游醉翁亭得詩四律留贈慧參和尚

環滁山色鎖重重破曉遙聞古寺鐘  
新筍怒穿城腳出野花香撲馬頭濃  
懸崖飛瀑僧承覓幽谷留春鹿養茸  
行到亭西懷太守捫碑親掃綠苔封

一代文章道德高源開蘇海接韓潮  
大名豈藉亭爲重遺愛應如社不祧  
薄采蘋蘩供野祭補栽松竹護疏寮  
我來合許陪興從六一泉鄰薛老橋

四十年前汗漫游一門裙屐儘風流

余游泮時寒家七昆季同集此亭醵詠稱

盛事

狂磨石壁題詩草醉喚山僧推酒簋  
盛會無如同氣

樂名區只是劫灰愁當時末座追陪者

昔年同座余齒最穉

隻影重

來雪滿頭

江湖隨處募金繒笑我真成在舍僧

亂後亭燬余廣募資重建

投刺于

人如託鉢結廬付爾好傳鐙  
名山半作招提院法界宜參

最上乘文字禪兼香火社打包行腳漫相矜

顏宗儀字挹甫號雪廬海鹽人咸豐癸丑進士改庶吉  
士授編修廣東候補道有夢笠山房詩存

德化道中

朝曦乍逼又成陰涼入籃輿石氣侵岸被江衝危欲斷村  
緣雲擁近難尋南飛已墮蓬山關北望仍懸魏闕心晚宿  
莫辭茅店陋風泉繞屋作鳴琴

敖冊賢字金甫榮昌人咸豐癸丑進士改庶吉士授編  
修截取知府有椿蔭軒詩鈔

銅雀臺

英雄割據定三分悵望漳南賸暮雲一角河山輸晉武千  
秋心事託周文荒臺故伎猶思主治世能臣轉惜君誰上

西陵誦遺碣可曾官署漢將軍

吳大廷字桐雲沅陵人咸豐乙卯舉人歷官福建臺灣  
道贈太僕寺卿有小西腴山館詩鈔

送陳右銘出都

君今復此別吾黨更何人渺渺千秋業茫茫百感身微言  
艱獨討高義向誰陳余亦欲歸去湖西願結鄰

常州

四百年前舊里門扁舟經過慘離魂道旁瓦礫餘荒市劫  
後荆榛蔽廢村游宦已拋三徑去先疇曾有幾人存傷心  
譜牒無尋處空見前途戰壘屯

天津

萬古漁陽郡東流枕九河地形雄碣石水勢接滹沱瀛草



依京近寒潮入夜多庚申今幾載薄海尙悲歌

題顧亭林先生詩集後

勝朝吳下一諸生畢世栖栖旅客情高蹈自希龐隱士傳  
經未讓鄭康成昂藏大志期追古憂患餘年尙論兵卽誦  
詩歌亦奇健猶能吐氣截長鯨

方濬師字子嚴安徽定遠人咸豐乙卯舉人由內閣中  
書厯官廣東肇羅道有退一步齋詩集

直廬夜宿感懷

颯颯西風夜正闌獨依禁籞畏清寒聊將閒散容吾拙敢  
詡文章副此官一枕漸催鄉夢近九秋誰念客衣單南來  
鴻雁應相識期爾成行振羽翰

莫漫愁腸借酒澆平生意氣未全消官如趙壹惟長揖人

是陶潛肯折腰身世已輕蟬抱葉名心早息鹿藏蕉何當  
催起羲和轡十丈朝暾望眼遙

### 示子艾十弟

劉家好兄弟並世琨與興奕奕雋朗才列在西晉書美玉  
生藍田斯語洵不虛爲學務精一築堂題童初汝當少小  
日避亂辭鄉閭一作入贅壻東望常愴如忽忽四五載間  
訊憑雙魚田園日以荒骨肉日以疏叔母依嶺表思兒少  
軒渠蝨官我尤惡擾擾等鳴豬幸與筆墨親硯池含玉蜍  
去年喜弟來開尊傾浮蛆深恐學久廢離羣而索居但得  
文史足豈徒衣食歟宜興老鷺洲家世誇六儲經師兼人  
師詞章皆緒餘呶唔值靜夜聽之樂只且本根貴培植枝  
葉胥芟鋟莫貽博士譏持券空買驢祖訓更勿墜寶田勤

耕畬阿兄負狂癖豪氣難蠲除甘處顏巷陋羞曳侯門裾  
笑煞公孫宏詭服沾清譽海水自浩瀚井甃胡拘墟兩眼  
鏡澄澈一心雲卷舒所願既如此所業敢忽諸始勤忌終  
怠半途慎踟躇

示從姪臻蔭

吾家盛甲第河庫爲權輿厥後二十科榜上姓名書祖德  
培植遠歲月幾盈虛記汝赴京國歲在丁巳初淮北紛干  
戈烽火徧里閭田園盡荒蕪爾我蟣蝨如我抱風木痛銜  
血哀舉魚長途爾爲伴謀失繫我疏說餅雜豆麥充腸多  
芋渠馬氏蓬門中嘍嘍聲無豬室罄如懸磬鏡暗空藏蛛  
何以驅憂患樁酒浮春蛆南北苦流離六載三移居賦性  
賴堅忍詎謂豁達歟艱難奉慈母家無儋石儲勞勞蠶鹽

問可憐灰燼餘天恩亦云厚槃帶匪思且期汝嘉禾植惡  
彼莠草鋤望汝奮騏驎驚材嗤蹇驢善米與性禾豐稔驗  
經畚篝鐙照縹緗明月來庭除而翁詠子衿風塵羈客裾  
五十尙勤學鄉曲流名譽豐城躍劍氣光射牛斗墟行見  
甲圻萌春雷驚發舒高曾留矩矱箕裘宜勉諸雕鶚出秋  
塵直上毋躊躇

游七星巖歸漫賦

自從官京師趨車畏塵坌今茲簿領閒偶發游山願良朋  
約三五各詔腰腳健甫出城北門田疇綠草蔓分秧勞農  
夫荷蓑立水面南方節候早於此乃益見雲重頭似壓徑  
仄蹕欲穿七朵奇峯懸相看目驚眩高者天可倚低者地  
能旋猛如獅象卧雄如兵甲頓排如玉筍班煥如霞錦緣

崢嶸紛起伏，削削爭後先。左得右已失，此捨彼復戀。巍巍  
天門開，露出摩尼殿。了無斧鑿痕，五丁力恐遜。放膽步石  
室，披襟豁煩悶。長橋中央駕，綿亙拖匹練。初愁陰冷甚，繼  
覺情景變。半空一滴水，聲若碎玉片。涓涓不停住，遂爾成  
回旋。可是驪龍醒，含珠時噴瀦。再進境愈佳，曉天明一綫。  
持挺擊石鼓，噲噲音自遠。惜哉鐘久啞，常抱不鳴恨。我行  
足漸輒，頗悔游未徧。禪房且棲息，蔬筍具晨膳。老僧前致  
詞，使君得毋倦。汲泉瀹新茗，清腴勝陽羨。歸來整匡牀，酣  
睡拋書卷。好山復入夢，嵐翠增妍蒨。忽然大雨傾，滿身珍  
珠濺。阿香持北斗，霹靂閃紫電。斯時兩腋輕，凌風任推轉。  
飛上最高峯，寒氣逼衫袂。眾星落我手，抱之金光纏。一笑  
開雙眸，摩挲端石硯。

聞子箴兄入覲北上用子由中秋見月寄子瞻詩韻

奉懷

涼秋夜靜天宇高  
朝天使者拈吟毫  
吟成對月發遐想  
銀河耿耿疑飛濤  
我從嶺南別夫子  
七載光陰若流水  
炎荒迢遞望京華  
烹茗懷君中夕起  
起開硯篋磨墨丸  
墨池黑訝癡蛟蟠  
手揮箋牘倩誰寄  
蓼蓼衙鼓聲清寒  
燕薊風塵異淮汴  
十丈輭紅素衣變  
重攜舊曲譜霓裳  
當筵年少停歌板  
請君更話三神山  
巨鼇首戴千鈞堅  
蓬萊瀛洲近咫尺  
拄笏笑向東溟看  
豸冠巍峩容色好  
獻書尙記臺中草  
聖主端知蔡挺慤  
淮陽詎使汲黯老  
年來金穴不改貧  
宦游我亦同心人  
彩雲環繞冰輪出  
鎖闌卻憶長安客

至韶州憶途中所見山水甚奇漫賦一詩

葡萄綠釀春江潮煙波浩渺山周遭峯巒無數列篷底卧  
看船與山爭高長河太華在何許足所未蹈心空勞眼前  
好景莫虛過不吟毋乃山靈嘲千變萬化各有致丹青妙  
手終難描鷹起鵲落連復斷虎蹲獅伏雄而豪天門詖蕩  
懸日月石友拱揖陳冠袍自從入峽至中宿置身福地真  
逍遙琵琶形勢實險要芙蓉顏色疑鐫雕歸猿尙留古洞  
邃殺雞殊覺荒坑遙涯斟漣湟界南北九疑直上偏岩巖  
參天竹樹碧陰合沁人心目紅塵消嵌空玲瓏臺檻巧觀  
音巖下灘聲騎龍頭豬婆間鼈背旺水卅里還高橋曹溪  
法乳貫白土孟洲築壩通黃茅呼童且覓蒙裏李南華李  
最有名  
得仙那乞緩山桃天遣吾儕富游蹟十年不調奚牢騷茲  
行真足誇同僚買魚沽酒停雙橈微醺倚枕夢鹿蕉塔鈴

驚醒來南阜

楊峴字見山號庸齋歸安人咸豐乙卯舉人江蘇候補

知府有遲鴻軒詩集

詩話見山官吳中與高伯足心夔劉彥清履芬爲文字交工詩尤長於書作入分融漢唐爲一治而出以

成標格

題沈公周

瑾

詩藁後

虞陽逢瘦沈今之杜浣花交余詩是介輪爾古爲家爽氣  
洗山綠奇懷獵天葩篋中富新製讀罷癢同爬

寓齋外野冢

貧餘歸葬少亂後上墳稀烽火驚魂竄川原戰血肥暮雲  
聞鬼哭落日見烏飛作客樓頭者頻番淚溼衣

爲潘磨生題劉泖生遺墨



前年纔哭劉賓客去年又丁高逵夫奇事浪傳伏劍死憂  
心生怕竊鉤誅世間不少歧尾蝎盆底苦無三足烏書札  
斬新忍重讀起聽檐雨聲聲麤

柏景偉字子俊晚號忍庵長安人咸豐乙卯舉人分省  
補用知縣有澧西草堂集

東歸

濺濺汧水流鬱鬱隴山色從軍人歸來倚馬行得得偶貰  
一壺酒斜掛錦鞍側故鄉風物好客心一何憚卻念時事  
艱西顧空太息

田家雜興

木以不材壽玉以在璞完君子貴儉德榮祿胡可干澗松  
何鬱鬱巖柏何盤盤豈不雪霜侵而能保歲寒華靡眾所

趨寂枯性所安厲此千秋節俯仰天地寬

李士棻字芋仙忠州人咸豐乙卯副貢官臨川知縣有  
天瘦閣詩草

寄酬朝鮮李錦農徵君

李杜與蘇黃名震天壤內惟蘇官較高亦屢遭遷刻今讀  
四家文儼與經史配窮困備一身聲華及千載君生古人  
後心在古人隊昨從海外來揖我申謦欬異域定石交同  
姓結深愛捉筆書生平字字見肝肺摯性俱纏綿豪情各  
慷慨屢臨天補樓把酒終日對妙譽溢壇坫英詞耀樂敦  
輦下諸耆宿咸喜識風裁分手何恩恩一聚便難再天疆  
實限之積懷漸成痼夢魂飛傍君河山不能礙連歲遺我  
書吟身知健在遠物紛見投如獲珠百琲嗟我少壯時志

嘗慕鼎鼎謂宜躡青雲樹立追前輩卽今年四十竟與初心背辛苦博一官未敢傲丞倖風塵厭奔走奇窮久益耐還蜀無穩期室人定交許瑣瑣陳旅狀君應悉梗概聞君入幕府仗劍歷邊塞徐卿雅重君青眼優盼睐君抱驚世才畏進而嗜退蓄念在名山學道跡宜晦所願勤著書光潔絕疵類吾儕犯世忌無日無尤悔百爲難一成此事未可廢勗君兼自勗藉作韋弦佩勿忘疇昔盟壘篴鳴異代夜就短鐙檠苦吟酒頻醉迸淚緘寄君東轡發長慨

奉贈廉昉先生

先生非石隱束志卧蒿萊鄉覓無何有辭拈歸去來文章能立命仙佛迸爲才得不低頭拜追陪襟抱開

與世本無競閉門宜病身細思開口處難得會心人公獨

收迂腐吾將謚嬾真爲儒丁此日出處一酸辛

青衫

青衫落落首重搔檢點奚囊剩寶刀霜葉打窗風力緊冰  
花團屋月輪高詩含正味分清茗衣怯嚴寒靠濁醪香草  
美人渺何許一鐙相伴讀離騷

贈莫子偲

卅年流譽滿詞場湖海交游盡老蒼學海世推黔幟志薦  
章今許古循良篆書突過當塗李詩格兼摹雙井黃一事  
笑君慙勝我陳編做麓侈收藏

沈棠溪至贈所撰古文刻本別踰十年君今年七十  
有七猶以著述自課情話移時皆切磋語也

打門聲急入門親與說頻年去住因肯念故交探近狀錯

援古事料今人士如畫餅名無用樹易成陰德有鄰莫怪  
上書干宰相昌黎多病愧長貧

易佩紳字子笏一字笏山龍陽人咸豐乙卯優貢歷官

江蘇布政使有函樓詩鈔

詩話子笏治軍察吏頗負幹才詩亦抗爽有奇氣惟  
晚年弱情仙道不免願唐子順則實甫順豫申甫俱  
有時名能承其家學

青神舟中望峨眉

自從墜馬艱腳力密邇靈山阻登陟青衣江上雨初晴遙  
見雲端蒼翠積舟人謂是峨眉峯相距百里了可識我目  
頓挾心神往八十四盤以親歷奇標獨出五嶽外睥睨中  
原互西極上挂九重真宰座中羅億萬神鬼宅蠶叢能自  
立區宇精爽先造此巖壁江湍如弩舟如箭俄頃南下幾

曲折忽失遙峯不可尋但見平巒障空碧由來賢傑在高  
遠反爲卑近宵小隔我初感之三歎息繼思顯晦理亦得  
至人可望不可褻有餘不盡終莫逆君看天際片雲飛悠  
悠舒卷誰能測

池州江中望青陽九華山

去年華岳停鞭處飽看蓮花第一峯白下今來幾萍梗青  
陽又見九芙蓉愁心江上雲千疊殘夢天涯路萬重賴有  
名山作奇狀經過時爲破塵容

游平山堂

曾履蠶叢若坦途平山合作蜀岡呼三千世界孰夷險六  
一先生今有無兵火頻經陳跡在江淮中立此堂孤山僧  
好客期重至萬本荷花壽老夫

華陰風雨

二十年前匹馬行三峯向我最分明而今隱約風雲裏只聽羣仙笑語聲

我有奇珍玉井蓮攜來舊地證前緣洗頭盆水一彈指散作甘霖灑大千

朱承枻字秀珊號保甫海鹽人咸豐乙卯優貢官遂昌訓導有聽秋館吟藁

村居

四月村居好欣欣景物妍柳塘風影輭荷浦雨聲圓聽婦談蠶事呼兒插鶴田柴門多綠樹幽鳥晚啼煙

晚晴簃詩匯卷一百五十四終